



三教源流搜神大全七卷

（宋）不著撰人

郎園先生全書 民國二十四年長沙中國古書刊印社匯
印本

三教源流
搜神大全

徐崇立署

巳酉春仲
邨園校刊

重刊繪圖三教源流搜神大全序

曩閱毛晉汲古閣宋元祕本書目子部類載有元板畫像搜神廣記前後集二本云凡三教聖賢及世奉眾神皆有畫像各考其姓名字號爵里及封贈謚號甚詳亦奇書也但毛書售之潘稼堂太史後展轉散佚近三百年其書有無傳本不可得而知也已丑過夏都門忽從廠肆見之圖極精神字體塙為元時舊刻以議值未就越日遂不可踪跡悵恨久之然當時雖匆匆一閱其全書體式固至今在胸臆也乙巳與秀水金蘭伯太守蓉鏡訂交長沙文酒過從縱談古今可喜可愕不傳之書以此屈一指太守為余言昔官京曹時亦曾見之于廠肆後知為上海姚子梁觀察文棟購去子梁之弟名文相與余同鄉舉丙申余與子梁同居京師宣武城南北半截胡同比隣相近子梁尚無此書迄今十餘年久不通音問雖欲取證徒付夢想已耳丁未七月作客武昌時江陰繆太夫子小珊先生共事存古講席因論異書祕籍湮沒無傳者間及是書先生言藏有明刻繪圖本三教源流搜神大全七卷即元板畫像搜神廣記之異名書中圖像與元本三教搜神大全序

無甚差異因約他日相借影寫刊行別後余歸長沙先生返金陵冬間郵寄來湘亟取展讀如逢故人如還失物憶往時所見元本誠如先生所云惟明刻增入洪武以下封號及附刻神廟楹聯知為坊估所竊竄然于聖宋皇元字樣寫多仍其舊蓋雖明人重刻猶可推見元本真面也余因督工寫刊於字之顯然訛繆者悉依文義校改圖像則一再細勘無累黍之失是書之復顯於世真大幸矣至諸神履貫事蹟大都雜取小說及二氏之書其文不見於史乘亦不可據為典要特六七百年民間風俗相沿之故古昔聖王神道設教牖民為善之心是固考古者所當知也後有採風之君子其將以斯載之輶軒也夫宣統元年春王正月人日葉德輝序



儒氏源流

至聖文宣王魯曲阜平鄉闕里其先宋人也大聖曾大父曰孔防叔避宋華督之難徙居于魯生伯夏伯夏生叔梁紇長子曰孟皮字伯尼有疾不任繼嗣次子則先聖是也魯襄公二十一年冬十一月庚子日乃先聖誕生之日有二龍繞室五老降庭五老者五星之精也母顏氏之房聞秦鈞天之樂空中有聲云感生聖子故降以和樂笙鏞之音故先聖之生大非九同而質甚異而首秀圩頂故因名丘字仲尼史記孔子生而叔梁紇沒乃葬於防山孔子為兒之時嬉戲常以師陳俎豆設禮先聖身長九尺腰闊十圍凡四十九表胸有文曰制作定世之符及首注面月角日準坐如龍蹲立如鳳時望之如仆就之如昇耳垂珠庭龜脊龍形虎掌駢胝參膚河目海口山臍林背翼鬚斗唇注頭龍鼻草腴堤眉地足谷窾雷聲澤腹昌頤內頤輔駢齒眉有一十二彩目有六十四理其頭似堯其額似舜其項類皋陶其肩類子產自腰以下不及禹三寸有大聖之德學極天

人道窮秘與龜龍街負之書七政五緯之事抱犧黃帝之能堯舜周公之美啓定公以先聖為中都宰一年四方諸侯皆則焉九年始為邑宰十年為司空十一年為司徒攝行相事十四年誅魯大夫亂政者少正卯與聞國政三月粥豚羔者弗飾賈男女行者別於道塗不拾遺四方之客至乎邑者不求有司皆予之以歸而大聖雖道高德廣生而知之亦學禁于師襄學禮于老聃時去魯四十年魯哀公十一年先聖自衛反魯刪詩書定禮樂成六藝晚而喜易讀之繙繙三絕為之彖象文言繫辭以發其秘告弟子於洙泗北門已徙三千傳徒六萬賢有七十二人昔者先聖未生時有麟吐玉書於闕里其文名曰水精子繼周衰而素王顏氏異之以繡紱繫麟角信宿而麟去至哀公十四年西狩太野叔孫氏車子鋤商獲獸以為不祥先聖視之曰麟也胡為來哉反袂拭面泣涕沾衿叔孫聞之然後取之而繫角之紱尚存先聖曰吾道窮矣乃因魯史而作春秋文加褒貶而修中興之告麟見而天告先聖之亡徵也先聖病憂坐兩楹之間子貢請見曰子方負杖逍遙於門曰賜汝何求晚也先聖因嘆曰太山頽乎梁木壞乎哲人萎乎因以涕下子貢曰天下無道久矣莫能宗子后七日不起年七十三以魯哀公十六年夏四月己丑葬於曾城北哀公十七年立廟於舊宅守陵廟百戶弟子皆服心喪三年畢相訣而去則哭各盡哀或復留唯子貢廬於塚者六年然後去弟子於廟藏先聖衣冠琴瑟車書弟子及魯人往從塚而家百有餘室因命曰孔里魯世世相傳歲時奉祠於塚子孫世襲不絕後

高皇過魯以太牢祀孔子有詩贊曰
 後世廟庭 聖德斯尊 肅衣冠 聖澤斯存
 漢祖崇儒 躬拜闕里 太牢之祀 百代伊始
 聖朝崇奉追封尊號
 大成至聖文宣王 聖室鄆國夫人
 聖父封齊國公 聖母封魯國太夫人



釋氏源流

三教源流大全

一卷

三

釋迦牟尼佛姓刹利父淨飯天母清淨妙位登補處生兜率天上名曰勝善夫人亦名護明大士度諸天眾說補處行亦於十方界中現身說法普耀經云佛初生刹利王家放大智光明照十方世界地湧金蓮華自然捧雙足東西及南北各行於七步分手指天地作獅子吼聲上下及四維無能尊我者即周昭王二十四年甲寅歲四月八日也至四十二年二月八日年十九欲求出家而自念言當復何遇即於四門遊觀見四等事心有悲喜而作思惟此老病死終可厭離於是夜子時有一人名曰淨居於牕牖中叉手白太子言出家時可去矣太子聞已心生歡喜即逾城而去於檀特山中脩道始於阿藍迦藍處三年學不用處定知非便捨復至鷲頭藍佛處三年李非非想定知非亦捨又至象頭山同諸外道日食麻麥經於十六年故經云以無心意無受行而悉摧伏諸外道先歷試和法示諸方便發諸異見令至菩提故普集經云菩薩於二月八日明星出時

成佛號天人師時年三十矣即穆王三年癸未歲也既而於鹿野苑中為憍陳如等五人轉四諦法輪而論道果說法住世四十九年後告弟子摩訶迦葉吾以清淨法服涅槃妙心實相無相微妙正法將付於汝汝當護持并勅阿難副貳傳化無令斷絕而說偈言

法本法無法

無法法亦法

今付無法時

法法何曾法

爾時世尊說此偈已復告摩訶迦葉吾將金縷贈伽黎衣傳付於汝轉授補處至慈世佛出世勿令朽壞摩訶迦葉聞偈頭面禮足曰善哉善哉我當依勅恭順佛故爾時世尊至拘尸那城告諸大眾吾今皆痛欲入涅槃即往熙連河側娑羅雙樹下右脇累足泊然圓寂復從棺起為母說法持示双足化婆耆并說無常偈曰

諸行無常

是生滅法

生滅滅已

寂滅為樂

時諸弟子即以香薪燒茶毗之爐後金棺如故爾時大眾即於佛前以偈讚曰

三教源流大全

一卷

四

凡俗諸猛熾

何能致火爇

請尊三昧火

闍羅金色身

爾時金棺從坐而牽高七婆羅樹往空中化火三昧須臾灰生得舍利八斛四斗即穆王五十二年壬辰歲二月十五日也自世尊滅後一千一百七十七年教至中夏即後漢明帝夜夢金人身長大項有日月光以問群臣或曰西方有神其名曰佛陛下所夢得無是乎於是遣使往天竺問其道得其書及沙門以來沙門云佛長一丈六尺黃金色項中佩日月光變化無窮無所不故能通萬物而大濟群生云



道教源流

金闕玄元太上老君聖紀按洞玄靈寶元始上帝真教元符經道君告皇
帝曰昔天地未分陰陽未判濛濛洪杳冥溟溟大梵寥廓無光結空自於中
有百千萬重正氣而化生妙無聖君歷尊號曰妙無上帝自然元始天尊
一號天寶丈人經九億九萬九千九百九十九億萬劫次結百千萬重正氣
而化生妙有聖君自稱妙有大帝虛皇王晨大道君一號靈寶丈人經八
億八千八百八十億劫次結百千萬重道氣化生混沌聖君紀號至真大
帝萬變混沌元老君一號神寶丈人老君雖累世化身而未誕生之也
追商第十八王陽甲時分神化氣寄胎於玄妙玉女八十一一年暨第二十
二王武丁庚辰歲二月十五日卯時誕於楚之苦縣潁鄉曲仁里姓李名
耳字伯陽謚曰聃著道德二經旨又按老君聖紀經太上老君居太清境
乃元氣之祖宗天地之根本於至寂至虛之內大初太始之先惟數御運
布氣融精開化天地所歷成壞一似不可量計其化身周遍塵沙世界亦

非算數紀極開闢之後觀世代之流淳隨時立教代為帝師建立法度或
流九天或傳四海自三王而下歷代帝王咸宗奉焉是知天上天下道氣
之內皆老君之化也垂億萬之法無不濟度蓋百姓日用而不知也老子
曰吾乃生乎無形之先起於太初之前行乎太素之元立於太渺之端浮
游幽虛之中出入杳冥之門故舊玄序道德經云老子體自然而然生乎
太無之先起乎無因之初經歷天地始終不可稱載又云世人謂老子降
於殷代老子之號始於無數劫甚杳冥真渺邈久遠矣開闢已前復下
為帝師代代不絕人莫能知之按老子傳記自開闢之前下至殷湯代代
為王者師皆化身降世當殷湯甲午十七年庚申始示誕生之跡自太清
當道境乘太陽日精化五色玄黃大如彈丸時至女媧窺流入口中吞之
有孕懷八十一歲至武丁九年庚辰剖至女左腋而生生而白首號曰老
子生於李樹之下指樹曰此吾姓也自殷武丁九年庚辰下至秦昭王九
年西昇崑崙計九百九十六年矣

按李石續博物志云唐高祖武德三年晉州人吉善行於羊角山見白衣

父老呼善行曰為吾語唐天子吾為老君即汝祖也高祖因立廟高宗追

尊玄元皇帝明皇註道德真經今李若習之兩京及諸州各置玄元皇帝

廟京師號玄元宮諸州號紫極宮尋改西京為太清宮東京為太微宮皆

置李生尊號曰大聖祖高上大道金闕玄元天皇大帝
宋國朝會要曰宋真宗大中祥符六年八月十一日制謹奉上尊號曰
太上老君混元上德皇帝

宋仁宗御讚 大哉至道 無為自然 劫終劫始 先地先天
今光點點 永劫綿綿 東訓尼父 西化金僊
百王取則 累聖攸傳 衆教之祖 玄之又玄



玉皇上帝

按聖紀所載云往昔上世有國名號光嚴妙樂其國王名曰淨德時王
有后名寶月光王乃無嗣嘗因一日作是思惟我今將老而無太子身或
崩滅社稷九廟委付何人作是念已即便勅下詔諸道衆於諸宮殿依諸
科教懸諸幡蓋清淨嚴潔廣陳供養六時行道徧禱真聖已經半載不退
初心忽夜寶月光燿皇后夢太上道君與諸至真金童玉質清淨之傳駕五
色龍輿擁大景旌陰明霞蓋是時太上道君安坐龍輿抱一嬰兒遍身毛
孔放百億光照諸宮殿作百寶色幢節前道浮空而來是時皇后心生歡
喜恭敬接禮長跪道前曰道君言今王無嗣願乞此子為社稷主伏願慈
悲哀愍聽許爾時道君答皇后曰願特賜汝是時皇后禮謝道君而乃收
之皇后收已便從夢歸寢而有孕懷一年于丙午歲正月九日午時誕于
王宮當生之時身寶光秋充滿王國色相妙好觀者無厭幼而敏慧而慈
善于其國中所有庫藏一切財寶盡皆散施窮極困苦鰥寡孤獨無所依

告飢饉廢殘一切衆生仁愛和遜歌謠有道化及遐方天下仰從歸仁太
子父王加慶賞爾之後王忽告崩太子治政俯念浮生告勅大臣嗣位有
道遂捨其國於普明秀岩山中脩道功成超度過是劫已歷八百劫身常
捨其國為群生故割愛牽道於此後經八百劫行藥治病亟救衆生令其
安樂此劫盡已又歷八百劫廣行方便啓諸道藏演說靈章恢宣正化敷
揚神功助國救人自幽及顯過此已後再歷八百劫亡身殞命行忍辱故
捨已血肉如是脩行三千二百劫始證金僊號曰清淨自然竟王如來
宋真宗實錄曰大中祥符七年九月上對侍臣曰自元符之降朕欲與天
下臣庶同上玉皇聖號至天禧元年正月辛丑朔帝詣太初殿恭上玉皇
大帝聖號曰
太上開天執符御曆含真體道昊天至尊玉皇大帝
格聯
符握昊天整覆載咸沾化育
帝臨玉闕統神人悉在鈞陶



聖祖尊號

御製靈應記曰景德初王中正遇司命真君傳藥金法上之四年十一月降劉承規之真舍五年始奉上徽號曰九天司命天尊宋真宗實錄曰大中祥符五年十月十七日上夢景德四年先降神人傳王皇命云今汝祖趙有名此月二十四日降如唐真元事至日天尊降延恩殿閏十月己巳加號聖祖上靈高道九天司命保生天尊



聖母尊號

唐武后光宅二年九月甲寅追尊聖母曰先天太后 祖殿在亳州太清宫是也國朝會要曰天禧元年三月六日冊上聖祖母尊號曰元天大聖后先是大中祥符五年制加上聖祖母號候兗州太極觀成擇日奉上是詔王旦等行冊禮



東華帝君

東華帝君純習在道氣凝湛体無為將欲啓迪玄功生化萬物先以東華至真之氣化而生木公於碧海之上蒼靈之墟以主陽和之氣理於東方亦號王公焉與金母皆擬質太元毓神玄奧於東方溟漠之中分大道醇精之氣而成形與王母共理二氣而育養天地陶鈞萬物凡天上天下三界十方男子之登仙得道者悉所掌焉居諸方之上按塵外記方諸山在東海之內其諸司命三十五所以錄天上人間罪福帝君為大司命總統之山有東華臺帝君常以丁卯日登臺西望學道之者凡仙有九品一曰九天真皇二曰三天真皇三曰太上真人四曰飛天真人五曰靈仙六曰真人七曰靈人八曰飛仙九曰仙人凡此品次昇天之時先拜木公后謁金母受事既訖方得昇九天入三清拜太上而觀元始故漢初有四五小兒戲於路中一兒詩曰着青裙入天門揖金母拜木公時人皆莫知之唯子房往拜焉曰此東王公之至童也昔元始告十方天人曰吾自造言三教搜神大全

一卷

混沌化生二儀役御陰陽始封皇上元君自東華扶桑大帝等校量水火定平劫數中皇元年太上於玉清瓊房金闕上宮授帝寶經花圖玉訣使傳後學王名合真之人故玄綱云東華不秘於真訣是也紫府者帝君校功行之所夫海內有三島而十州列其中上島三洲謂蓬萊方丈瀛州也中島三洲謂美瑤閼苑瑤池也下島三洲謂赤城玄關桃源也三島九州鼎峙洪濛之中又有洲曰紫府踞三島之間乃帝君之別理統轉靈官職位較量群仙功行自地仙而至神仙神仙而至天仙天仙而轉真聖入虛無洞天凡三遷也皆帝君主之釋之名也東華者以帝君東華至真之氣化而生也分治東極居東華之上也紫府者職居紫府統三十五司命遷轉洞虛宮較品真仙也陽者主東方少陽九氣生化萬景也帝君者位東方諸天之尊君牧衆聖為生物之主易曰帝出乎震是也故曰東華紫府少陽帝君又真教元符經云昔二儀未分溟滓濛濛如鷄子玄黃之中生自然有盤古真人移古就今是曰盤古乃是天地之精自號元始天王游行虛空之中又有太元聖母化生天脊脈中經百劫天王行施聖母遂生天

皇號上皇元年始世三萬六千歲受元始上帝符命為東宮大帝扶桑大君東皇公號曰元陽又考之仙經或號東王公或號青童君或號東方諸君聖朝至元六年正月日上尊號曰東華紫府少陽帝君



三教搜神大全

一卷

十二

西靈王母

西王母者乃九靈大妙龜山金母也號太虛九光龜臺金母曰吾乃西華之至玄妙洞虛陰之極尊在昔道氣凝寂湛體無為將欲啓迪玄功化生萬物先以東華至真之氣化而生木公焉木公生於碧海之上蒼靈之墟以主陽和之氣理於東方亦號曰東王公焉又以西華至妙之氣化而生金母焉金母生神於伊川厥姓縱氏生而飛翔以主元毓玄與於妙養之中分大道醇精之氣結而成形與東王公共理三氣而養育天地陶鈞萬物矣柔順之本為極陰之元位配西方母養群生蓋主天下三界十方女子之登仙得道咸所隸焉所居崑崙之圃扶風之苑其山之下弱水九重洪濤萬丈飛颺車羽輪不可到也周穆王三十五年命八駿使西巡狩至崑崙賓謁祠見之待白璧重錦以為主壽事時王母以瑤池玕饗紫府瓊漿九天仙樂與穆王燕於瑤池穆王國政不治宗廟荒廢歸至人間國已危矣

王母云

色不止神不請
心不寧兮神不靈

思慮不止心不寧
神不靈兮道不成

三教搜神大全

一卷

十三



后土皇地祇

天地未分混而為一二儀初判陰陽定位故清氣騰而為陽天濁氣降而為陰地為陽天者五太相傳五天定位上施日月參差玄象為陰地者五黃相乘五氣凝結負載江海山林屋宇故曰天陽地陰天公地母也世畧而謂土者乃天地初判黃土也故謂土母焉廟在汾陰宋真宗朝大中祥符五年七月二十三日詔封后土皇地祇其年薦幸華陰親祀之今揚州玄妙觀后土祠也殿前瓊花一株香色柯葉絕異非世之常品也真宗皇帝封曰承天効法厚德光大后土皇地祇

三教搜神大全

一卷

十四



玄天上帝

按混洞赤文所載文帝乃元始化身太極別体上三皇時下降為太始真人中三皇時下降為太元真人下三皇時下降為太乙真人至黃帝時下降為玄天上帝開皇初劫下世紫雲元年歲建甲午三月初寅庚午時符太陽之精托胎化生淨樂國王善勝夫人之腹孕秀一十四月則太上八十二化也淨樂國者乃奎婁之下海外國上應龍變梵度天玄帝產母左脇當生之時瑞雲覆國異香芬然地土亦金王瑞應之祥茲不備載生而神靈舉措隱顯年及十歲經典一覽悉皆默會仰觀俯察靡所不通潛心念道志氣太虛願輔上帝普福兆民父王不勝抑志年十五辭父母欲尋幽谷內煉元真遂感玉清聖祖紫虛元君傳授無極上道元君告玄帝曰子可越海東遊歷於翼軫之下有山自乾元起跡盤旋五萬里水出震宮自有太極便是山應鎮定極風天太安皇座二天子可入是山擇聚峯之中冲萬紫霄者居之當契太和昇舉之後五百歲當龍漢二劫中披髮跣足攝離坎真精歸根復位上為三境輔臣下作十方大聖方得顯名億劫與天地日月齊并是其果滿也告畢元君昇雲而去玄帝乃如師語越海東遊步至翼軫之下果見師告之山山水水藏沒皆應師言乃入觀覽果有七十二峯之中有一峯聳翠上凌紫霄下有一山當陽虛寂於是玄帝採師之誠目山曰太和山峯曰紫雲峯品曰紫霄宮遂即居焉潛虛玄一默會萬真四十二年大得上道於黃帝紫雲五十七年歲次甲子九月初九日丙寅清晨忽有祥雲天花自空而下迷漫山谷繞山四方各三百里林岫震響自作步虛仙樂之音是時玄帝身長九尺面如滿月龍眉鳳目紺髮美髯額如冰清頂帶玉冠身披松羅之服跣足拱手立于紫霄峯上須臾雲散有五真群仙降于玄帝之前導從甚盛非凡見聞玄帝稽首恭奉奉迎拜五真曰予奉玉清玉帝詔以子功滿道備昇舉今聞子之聖父聖母已在紫霄夫玄帝俯伏恭諾五真乃宣詔畢可特拜太玄元帥領元和遷校府公事賜九德懷月金晨王冠瓊華玉簪碧理寶圭素銷飛雲金霞之帔紫銷龍袞丹裳羽屬絳絲之裙七寶銖衣九光朱履飛紅雲鳥佩太

玄元帥王冊乾元室印南北二斗三台龍劍飛雲王輅丹轡綠輦羽蓋瓊輪九色之節十絕靈幡前導九鳳後吹八鸞天下王女億乘萬騎上赴九清詔至奉行玄帝再拜受詔易服訖飛昇金闕按元洞玉曆記云至五帝世果當上天龍漢二劫下世洪水方息人民始耕殷紂主淫心失道矯侮上天生靈方足衣食心叛正道日造罪孽惡毒自橫遂感六天魔王引諸神鬼傷害衆生毒氣盤結上衝太空是時元始天尊說法於玉清聖境天門震開下見惡氣彌塞天充於是妙行真人叩誠求請願救群黎元始乃命玉皇上帝降詔紫微陽則以周武伐紂平治社稷陰則以玄帝收魔間分人鬼當斯時也上賜玄帝披髮跣足金甲玄袍皂纓玄旗統領丁甲下降凡世與六天魔王戰於洞陰之野是時魔王以坎離二炁化蒼龜巨蛇變現方成玄帝神力攝於足下鎖鬼衆於鄴都大洞人民治安宇宙清肅玄帝凱還清都面朝金闕元始敕命以玄帝功齊五十萬劫德並三十三天九霄上賴於真威十聖仰依於神化有大利施於下民積聖德過之于玉曆按通簡錄當聖帝真不有徽崇何以昭德特賜尊號拜玉虛師相玄

格聯

紫極騰輝瑞映八方世界
玄天著德恩覃十部闍羅

又

殿向橋東開漢漾水声登貝帝
地漫坊左聳鬱蒼山色映蒲團

梓潼帝君



按清河內傳余本吳會間人生於周初后七十三代今改為化字帝君曰
吾一十七世為士大夫身未嘗虐民酷吏遇人之急濟人之乏容人之過
憫人之孤性烈而行察同秋霜青天于白日之不可犯后西晉末降生於
越之西雋之南而郡之問是時丁未年二月初三日誕生祥光罩戶黃雲迷
野居處地府近海里人請清河叟曰君今六十而獲貴嗣童稚時不喜嬉
戲每慕山澤往往語言若有隱顯畫誦群書夜避般子自笑自樂身休光
射居民祈禱則余咄咄長嘯曰土木而能衣人之衣食人之食享之而有
應謗之而有禍我為人而為無靈乎自后夜夢或為龍或為王者天符或
為水府漕自任而不甚信為吉兆三農憊早嘉禾無甍舞零祝神恬然無
驗余思曰寐中夢治水府今夕當驗夜往水際以夢中官函牒河伯而驚
竟尤恐怛怛不能忽爾之間明雲四合風飛雷震一吏稽首余前曰運判
徙居余曰非我也我乃張戶老之子名亞緣水府得達故字儒夫儒夫吏曰奉命促子余

曰家人如何吏曰先到治所余惶懼未決吏揖上一白驢而去俛首里開
風雨聲中頓失鄉地到一山連劍嶺而撐赤官星也若鳳凰之偃下有古
湫引余入一巨穴門有一石笏吏曰民之禱雨祝此石而有應名曰雷柱
吾方褰衣入穴吏又曰君記周室為人七十三化陰德傳家而迄今否余
方大悟若夢覺也吏曰君在天譜得神之品於人世界有知之者晉不日
有中興之兆君可尋方而顯化余曰謝天使響報也入穴則若墮千仞之
壑近地而足不沾若騰身虛空有王者之宮中有禁衛余入遂見家人悉
都其間改日作儒士往咸陽講姚萇之故事清河內傳焚香者切記廟在
劍州梓潼縣唐玄宗幸蜀神迎於萬里橋追封
左丞相僖宗播遷亦有陰助之功加封順濟王
宋太祖初得蜀也以仁取之以仁守之亦爾神陰陽顯相有以輔吾仁也
靈應廟神加封聖號

忠文仁武孝德聖烈王

聖后協應德惠妃

聖父顯慶慈祐仁裕王

聖母昭德積慶慈淑妃

三教搜神大全

一卷

十八

聖子嗣德王

聖婦善助顯懿夫人

聖孫紹應昭靈侯

聖婦順助惠懿夫人

聖孫承應宣靈侯

聖孫婦淑應夫人

佐神英惠忠烈翼濟福安王

聖孫婦惠應夫人

左右桂祿二籍仙官

聖朝延祐三年七月七日加封聖號

輔元開化文昌司祿宏仁帝君

帝君殿在九曲之處蓋九曲水來朝九折而去經行山腹路成七曲其殿
有降筆亭亭中以金索懸一五色飛鸞鸞口銜筆用金花牋數百番常書
筆下筆墨皆具亭門本府差官封鎖甚嚴以防欺偽之弊降筆記其亭內
有銅鐘自鳴廟吏聞於本府本府差官啓鑰取書以觀報應其降筆多勸
人以忠孝為本許逆曠僭偽蜀王之曰且犧牲設俎豆潔案盛親詣帝
君廟設祭甫歛行札黑風驟起戒燭撤香逆曠震懼俯伏殿下須臾開明

視祝板已碎作兩片矣 帝君奉
玉帝旨佐南斗注生由是求嗣者多禱焉

上天聖號

金闕昊天檢校洞真通真先生九天開化主宰靈應大天帝上僊無皇君
統億班證佛果聖號
混天內輔三清內宰大都督府都統三界陰兵便行宜事管天地水三界
獄事收五嶽四瀆真形虎符龍券總諸天星耀判桂祿二籍上僊元皇真
人司祿職貢舉真君須編脩飛僊列籍掌混天造化輪迴救苦天尊九天
定元保生扶教開化生宰長樂永祐靈應大帝定慧證果伽釋梵鎮如來
佛

饒一着添子孫之福壽

退一步免障駒之易過

忍一言免駟馬之難追

息一怒養身心之精神

神霄小吏吞雷讚曰

妙哉斯編

誠哉是言

遵守行之

福祐自天

三教搜神大全

一卷

十九



三元大帝

三元大帝乃是元受真仙之骨受化更生再甦為人父姓陳名子喬又曰
陳即為人聰俊美貌於是龍王三女自結為室三女生於三子俱是神通
廣大法力无边天尊見有神通廣法顯現无窮即封為

上元一品九氣天官紫微大帝即誕生之符始陽之氣結成至真處玄都

元陽七寶紫微士宮總主士宮諸天帝王士聖高真三羅萬象星君

中元二品七氣地官清虛大帝九土无極世界洞空清虛之宮總主五岳

帝君并二十四治山九地土皇四維八極神君

下元三品五氣水官洞陰大帝洞元風澤之炁晨浩之精金靈長樂之宮

總主九江水帝四瀆神君十二溪真三河四海神君每至三元日三官考

籍大千世界之內十方国土之中上至諸天神仙升臨之籍星宿照臨國

土分野之簿中至人品考限之期下至魚龍變化飛走万類養動生化之

期並俟三官集聖之日錄奏分別隨業改形隨福受報隨劫轉輪隨業生

三教搜神大全

一卷

二十

死善惡隨緣無復差別宜悉知之

上元一品天官賜福紫微帝君正月十五日誕生

中元二品地官赦罪青靈帝君七月十五日誕生

下元三品水官解厄賜谷帝君十月十五日誕生

東嶽

卷

二十一



泰山者乃群山之祖五嶽之宗天帝之孫神靈之府也在兗州奉符縣今
 泰安州是也以梁父山為儲副東方朔神異經曰昔盤古氏五世之苗裔
 曰赫天氏赫天氏曰胥勃氏胥勃氏曰玄英氏玄英氏子曰金輪王輪
 王弟曰少海氏少海氏妻曰彌輪仙女也彌輪仙女夜夢吞二日覺而有
 娠生二子長曰金蟬氏次曰金虹氏金虹氏者即東嶽帝君也金蟬氏即
 東華帝君也金虹氏有功在長白山中至伏羲氏封為太歲為大華真人
 掌天仙六籍遂以歲為姓諱崇其太歲者乃五代之前元上天尊所都之
 地今之奉高是也其後乃水一天尊之女也至神農朝賜天符都官號名
 府君至漢明帝封泰山元帥掌人世居民貴賤高下之分祿科長短之事
 十八地獄六案簿籍七十五司生死之期聖帝自堯舜禹湯周秦漢魏之
 世只有天都府君之位按唐會要曰武后垂拱二年七月初一日封東岳
 為神岳天中王武后萬歲通天元年四月初一日尊為天齊君玄宗開元

十三年加封天齊王宋真宗大中祥符元年十月十五日詔封東嶽天齊

仁聖王

至祥符四年五月日尊為帝號

東嶽天齊仁聖帝

淑明皇后

聖朝加封大生二字餘封如故

帝五子

宣靈侯

惠靈侯

至聖炳靈王

居仁盡孝尊師

佑靈侯

帝一女

王女天仙即岱岳太平頂王仙娘娘是也

卷

三十二



至聖炳靈王

炳靈者聖帝第三子也唐太宗加威雄將軍至宋太宗封上吳炳靈公大中祥符元年二月二十五日封至聖炳靈王



三教聖神大全

一卷

二十三

佑聖真君

佑聖真君者真君姓茅諱盈本長安咸陽人也自幼出家恭訪名山洞府遇王君賜長生之術得道稱為天仙至漢明帝朝儀朔三年天書忽降皆玉篆龍文云大帝保命真君與聖帝同簽生死共管陰府之事宋太宗封佑聖真君至真宗加封九天司命上却賜福佑聖真君



三教聖神大全

一卷

二十四


南嶽

南嶽衡山衡州衡山縣是也以霍山為儲副東方朔神異經云神姓崇諱
 嵩南嶽主於世界星辰分野之地兼鱗甲水族龍魚之事大中祥符四年
 五月二十五日追尊帝號
 司天昭聖帝 景明皇后
 聖朝加封大化二字餘封如故

三教搜神大全

卷一

二五



西嶽

西嶽華山在華州華陰縣是也以太白山為儲副東方朔神異經云神姓
 善諱崇西岳者主管世界金銀銅鐵五金之屬鑄鑄坑冶兼羽毛飛鳥之
 事大中祥符四年五月五日追尊帝號
 金天順聖帝 肅明皇后
 聖朝加封太利二字餘封如故

三教搜神大全

卷二



北嶽

北嶽恒山在定州曲陽縣是也以崆峒山為儲副東方朔神異經云神姓晨諱寧北嶽者主於世界洹河淮濟兼虎豹走獸之類蛇虺昆蟲等屬大
 中祥符四年五月五日追尊帝號
 安天玄聖帝 靜明皇后
 聖朝加封大真二字餘封如故



三教搜神大全

卷二

二

中嶽

中嶽嵩山在西京河南府登封縣是也以少室山為儲副東方朔神異經云神姓暉諱善中嶽者主於世界地澤川谷溝渠山林樹木之屬大中祥
 符四年五月五日追尊帝號
 中天崇聖帝 正明皇后
 聖朝加封大寧二字餘封如故



三教搜神大全

卷二

三

四瀆

江瀆楚屈原大夫也唐始封二字公宋加四字公

聖朝加封四字王號

廣源順濟王

河瀆漢陳平也唐始封二字公宋加四字公

聖朝加封四字王號

靈源弘濟王

淮瀆唐裴說也唐始封二字公宋加四字公

聖朝加封四字王號

長源廣濟王

濟瀆楚伍大夫也唐始封二字公宋加四字公

聖朝加封四字王號

清源漢濟王

三教聖神大全

二卷

四



泗州大聖

泗州僧伽大師者世謂觀音大士應化也推本則過去阿僧祇劫如沙劫值觀世音如來後三惠門而入道以音聲為佛事作以此有緣之眾乃謂太師自西國來唐高宗時至長安洛陽行化歷吳楚間手執楊枝混于緇流或問師何姓即答曰我姓何又問師是何國人師曰我何國人尋於泗上欲構伽藍因宿州民賀跋氏舍所居師曰此本為佛宇今掘地果得古碑香積寺即齊泰龍建所創又獲金像眾謂然燈如來師曰普光王佛也因以為寺額景龍二年中宗遣使迎大師至輦轂深加禮畢異命住定薦福寺帝及百官咸稱弟子與度惠儼惠岸木叉三人御書寺額普光王寺三月三日大師示滅敕令就薦福寺漆身起塔忽具氣滿城帝祝送師歸臨淮言訖異香騰馥帝問萬迴曰僧伽大師是何人邪曰觀音化身耳乾符中謚證聖大師

三教聖神大全

二卷

五



五聖始末

按祖殿靈應集云五顯公之神在天地間相與為本始至唐光啓中乃降于茲邑苗籍莫有登載故后来者無所考據惟邑悼老口以相傳言邑民王喻有園在城北偏一夕園中紅光燭天邑人麋至觀之見神五人自天而下導從威儀如王侯狀黃衣皂纓坐胡床呼喻而言曰吾授天命當食此方福祐斯人訪勝尋幽而來至止我廟食此則祐汝亦無憂喻拜首曰惟命言訖禪雲四方神昇天矣明日邑人來相宅方山在其東佩山在其西左環杏殿右繞蛇城南北兩潭而前坐石大溪出來紫紆西下兩峰特秀巉然水口良然佳處也乃相與手來斬竹雜草作為華屋立像肖貌揭虔安靈四遠聞之鱗集輻湊自是神降格有功於國福祐斯民無時不顯先是廟號上名五通大觀中始賜廟額曰靈順宣和年間封兩字侯紹興中加四字侯乾道年加八字侯淳熙初封兩字公甲辰間封四字公十一年加六字公慶元一年加八字王嘉泰二年封兩字王景定元年封四字王

三教搜神大全

二卷

六

王累有陰助于江左封六字王六年十一月告下封八字王

理宗改封八字王號

第一位顯昭昭應靈格廣濟王

顯慶協惠昭助夫人

第二位顯明昭列靈護廣祐王

顯惠協慶善助夫人

第三位顯正昭順靈衛廣惠王

顯濟協佑正助夫人

第四位顯直昭佑靈脫廣澤王

顯佑協濟喜助夫人

第五位顯德昭利靈助廣成王

顯福協愛靜助夫人

王祖父啓佑喜應敷澤侯

祖母衍慶助順慈助夫人

王父廣惠慈濟方義侯

母崇福慈濟慶善夫人

長妹喜應慈惠淑顯夫人

次妹懿順福淑靖顯夫人

至有吏下二神者蓋五公既貴不歆以禍福驚動人之耳目而委是二神司之歟

司之歟

黃衣道士

紫衣員覺太師

輔靈翊善史侯

輔順翊惠卡侯

翊應助順周侯

王念二元帥

打拱胡百二檢察

打拱黃太保

金吾二太使

令狐寺丞

打拱高太保

都打拱胡靖一總管

打拱王太保

掌善罰惡判官

大猷嘗觀鍾山所作神傳知安樂公之名本於雲居惜其未詳大猷昨竊廩建昌特往訪問住山遇老具述其事云昔有司馬頭陀至山之南曰瑤田見道瑤瑤師謂瑤曰吾尋此山凡十五載自南嶽襲其岡而來若獲勝地願與禪席開揚佛告是夜夢五神人來曰求珠當入九重之淵欲寶必登萬仞之巔上有優游平地固偉然黎明司馬命樵人開道登山見一白鹿銜花前導自橫嶺而上又數百步地平如掌忽見五神人曰此處乃弟子眷屬所居弟子受侯無用今願捨此續侯慧命如有所缺弟子願給備之瑤隨即其地治基建寺后三日復見五神人現前瑤問曰舍此何往神答曰后山枯木是可居也瑤一日往謝之神人果從枯樵樹中出瑤問曰

三教搜神大全

二卷

七

安樂否神人曰弟子舉族安樂從此山神及樹皆得安樂之名瑤乃馬祖時人也唐憲宗元和初寺成名曰龍昌僖宗中和三年有洪覺禪師遁膺入山開堂演法常有五老人來聽一日洪覺問曰公何人對曰山前檀越言訖而行洪覺令人觀其所往至山側小池遽入其中遂不見至今人呼為五龍也云

癸巳紹定六年三月三日宋承節即張大猷謹書

按胡升撰星源志所載云升為童時尚見之一小碑載其事因發源與德興爭祖廟輦之去今不知所存或曰本朝神祠見於會要姓氏皆可考惟此神無姓氏何耶升曰莫之為而為者此所謂鬼神也周禮小宗伯兆五帝於四郊漢儀祠五祀宋朝明堂圖五方帝位于昊天側從之以五人帝五官神皆五行真氣也蓋五行為天地間至之極必有為之主宰者故曰元冥曰祝融曰句芒曰神農曰后土皆指水火金木土而言之物今五神之降于此豈非默助五行之造化以福生民乎或者又以五聖為五通非正神也吁名實不辨典故不知徒肆為議論亦妄矣蓋本朝政和元年

正月詔毀五通及右將軍如己淫祠至宣和五年我五聖適有通貺等侯之封前后十餘年間黜彼之邪崇此之正昭然甚明尚可得而並論之乎亦緣鄉曲前輩傳會佛有六通弟子五通之說以啓后人之疑每歲四月八日本縣啓建止善無碍大齋四方并海外來者輻輳齋宿極嚴非有形驅勢迫而使之然本朝褒封勅告並藏縣庫嘉泰二年中屢頒降御書扇五柄並置專局在廟收藏

宋迪公即國史實錄遍校文字胡升謹書



萬迴號國公

萬迴公者號州閩鄉人也姓張氏唐貞觀六年五月五日生而廢愚至八九歲方能語嘯傲如狂卿黨莫測一日令家人先歸云有勝客至是日三藏玄奘自西國還訪之公問印度風境了如所見奘作禮圍繞稱是菩薩有兄萬年久征遠左母程氏思其音信公曰以此甚易爾乃告母而往至暮而還及持書隣里驚異其童興寺沙門大明少而相狎公來往明師之室屬有正諫大去明崇儼夜過寺見公左右神兵侍衛崇儼駭之詰但言與明師厚施金繒作禮而去咸享四年高宗召至內武后賜錦袍玉帶時有扶風僧蒙願者其多靈迹先在內每曰迴來迴來及公至又曰替到當去旬日而卒景雲三年十二月八日師卒于長安不祿壽年八十時異香氤氳體宋時特贈司徒號國公喪士官給五年正月十五日安于京師香積寺



許真君

許遜字敬之南昌人吳赤烏二年正月念八日降生母先夢金鳳御珠墜於懷中而有娠父許肅祖父世慕至道真君弱冠師大洞真經六猛傳三清法博通經史舉孝廉拜蜀旌陽縣令也以晉亂棄官與吳君同遊江左會王敦作亂二君乃假符呪詛敦欲止敦而存晉也一日同郭璞候敦比蓄怒而見曰孤昨夢將一木上破其天禪帝位果十全乎請先生圖之許曰此夢非吉矣曰木上破天是未字明公未可妄動又令璞筮之曰事無成問壽曰君起事禍將不久若住武昌壽不可測敦怒曰卿壽幾何曰予壽盡今日敦令武士執璞赴刑二君同敦飲席間乃隱形去至廬江口召舟過金陵舟師辭以無人力駕舡二君曰但載我自行舡仍戒舟師曰汝宜堅閉戶隱若聞舟行聲慎勿潛窺於是入舟須刻間舟師聞舟搖撼木葉聲遂潛窺見二龍駕舟在紫霄峯頂既知其窺委舟而去二君曰汝不信吾教今至此奈何遂令舟師舟隱此峯頂教服靈草授以神仙術舟三教授神六金

二卷

之遺跡今尚存真君後在豫章遇一少年容儀脩整自稱慎即真君與之話知非人類既去謂門人曰適少年乃蛟蜃精吾念江西累遭洪水為害若不剪除恐致逃遁遂舉道眼一覩見蜃精化一黃牛於洲北真君謂弟子施太王曰彼黃牛我今化黑牛仍以白巾與鬪汝訊之當以劍截彼俄頃二牛奔逐太王以劍中黃牛之左股因投入城西井中黑牛亦入井蜃精徑走蜃精先在潭州化一聰明少年人多珍寶娶刺史賈王女常旅遊江湖必多獲寶貨而歸至是空歸且云被盜所傷頃更典報云有道流許敬之見使君賈出接坐真君曰聞君得佳婿累請見之慎即托疾不出真君厲聲曰蛟精老魅焉敢遁形蛟乃化本形至堂下命空中神殺之又令將二兒來真君以水噀之即成小屋妻賈氏幾愛父母力懇乃止令穿屋下丈餘地皆有水際又令急移俄頃官舍沉沒為潭踪跡皆宛然除蜃後於東晉太康二年八月一日於洪州西山舉家白日上昇真君自飛昇之後里人與真君族人就其地立祠以所遺詩一百二十首寫竹簡之上載之巨筒令人採取以決休咎名曰聖籤宋徽宗政和二年五月十七日上

尊號曰神功妙濟真君改觀為宮賜額曰玉隆萬壽帝因看書于崇政殿恍然似夢見東華門北有一道士戴九華冠披絳章服道從者甚眾至丹墀起簡揖帝帝乃問曰卿是何人不詔而至對曰吾為許旌陽權掌九天司職上帝詔往按察西瞿耶國經由故國復問曰朕患安息瘡諸藥不能愈真君有藥否即取小瓠子傾藥一粒如綠豆大呵呪抹於瘡上覺如流酥灌体入骨清涼遂揖而去行數步復回顧曰吾敝舍久已寥落願聖皇舉眼一看為幸帝豁然而覺詔畫像如夢中所見者賜上清儲祥宮崇奉詔真君遺跡去處未有宮觀即取本屬官錢建造如宮觀只因損壞如法脩換無常住即撥近便官田供辦聖朝崇奉加至道玄應四字餘封如故

詩曰

從來世代出神仙

爭似旌陽拔宅登

屈指策來千載後

應當還有鳳珠吞

格聯

三尺龍泉追殘齒

千秋龍泉追殘齒

教授神六金

二卷

收孽蛟贈



寶誌禪師

寶誌禪師宋元嘉中見形於東陽鎮古木鷹巢中朱氏聞巢中兒啼遂收育之因以朱為姓施宅為寺焉公自少出家依于鐘山道林寺常持一錫杖懸刀尺及鏡拂之類或掛一兩尺帛數日不食無饑容時或歌吟詞多識記士庶皆共事之齊建元中武帝謂師或叢收付建康獄既久人見其入市及檢獄如故建康尹以事聞帝延於宮中之後堂師在華林園忽一日重著三布帽亦不知於何所得之俄豫章王文惠太子相繼薨齊亦以此貴矣由是禁師出入梁高祖即位下詔曰誌公迹拘塵垢神遊冥寂水火不能焦濡蛇虎不能侵懼語其佛理則嗟聞以上談其隱淪則避仙高者豈以俗士常情空相拘只何其愚陋至於此自今勿得復禁師或一日封帝食鱸帝曰一不知味二十餘年師何為爾師乃吐出小魚鱗尾依然今建康尚有鱸殘魚是也皇后鄒氏崩數月帝常追悼之晝則問之不寐宵則耿耿不寐居寢殿聞外騷聲聲視之乃見蟒蛇盤踞上殿睽睽呀口三教搜神大全 卷二 十二

以向於帝帝大驚駭無所逃遁不得已蹶然而起謂蛇曰朕宮殿嚴警非爾蛇類所生之處必其妖孽歟崇朕耶蛇為人語啓帝曰蟒則昔之鄒氏也妾以生存嫉妬六宮其性慘毒怒一發則火熾矢射損物害人死以是罪謫為蟒耳無飲食可實口無窟穴可庇身饑窘困迫力不自勝又鱗甲有蟲咬嚼肌肉痛苦其劇若加錐刀焉蟒非常蛇亦復變化而至不以皇居深重為阻耳感帝平昔養妾之厚故托醜形骸陳露於帝祈一功德以見拯拔也帝聞之嗚呼感激既而求蟒不復見帝明日大集沙門於殿庭宣其由問善之最以贖其言師對曰非禮佛懺悔愆不可帝乃然其言搜索佛經錄其名號兼親抒屬思灑聖翰撰悔文共成十卷皆採攝佛語削去閑詞為其懺禮又一曰聞宮室內異香馥郁良久轉美初不知所來帝因仰視乃見一天人容儀端麗謂帝曰此則蟒後身也蒙帝功德已得超昇利天今呈本身以為明驗也慙慙致謝言訖而去此見梁武懺序師于梁天監十三年冬將卒忽告眾僧令移寺金剛神像出置于外乃密謂人曰菩薩將去矣未及旬日無疾而終舉鉢香奩在世九十七年帝以錢

三十萬易定林寺前岡獨龍阜以葬師永定公主以湯沐之資造浮圖七級於其上帝命陸倕製銘錫玻璃珠以飾塔表南唐保大七年加號妙覺塔名應世宋太宗太平興國七年舒民柯尊遇老僧往萬歲山指古松下掘之得石篆乃寶公記聖祚綿遠之文於是遣使致謝謚曰寶公妙覺治平初更謚道林真覺大師按建康實錄聞善寺有誌公履唐神龍初鄭克俊取之以歸長安今洗鉢池尚在塔西二里法雲寺基方池是也



盧六祖

盧六祖名惠能廣東韶州府人學伏見曹溪水香遂於其地擇一道場求之地主但云只得一袈裟地足矣地主從之遂以袈裟鋪設方圓八十里今南華山六祖道場是也從坐化自唐宣宗時至今六百有餘年肉身俱存香烟薰面如漆光至元丙子年漢軍以利刃鑽其腹見心肝如生人於是其不敢犯衣鉢盡載之北今已發回有宣宗御賜袈裟織成淡山水有西天鉢非銅鉄非木石有西天履非革非木竟不知何物有法華經十六七葉有佛齒以小銀合載之元有一尊龍據深潭為民害六祖曰只怕爾變小其龍果變小遂以鉢盂載之在寺中乾枯歸隨後其龍尚存久矣



三茅真君

太玄真人內傳畧曰真人姓茅咸陽南閩人也聖祖諱喜字拱倫仕秦莊襄王為廣信侯其父乃廣信侯第六子諱祚字彥英有三子長子諱盈字叔申次子諱固字季偉小子諱衷字思和盈年十八棄家恒山讀老子書及周易傳採取山木而餌服之積六年夜夢太玄王女把玉札而携之曰西城王君得真道可為師矣明辰敬到西城齊戒三月卒見王君駕神光之駢翺翔於綉岩之陰於是越艱難絕阻不覺以前君乃使衛官見攝將遠王君洞臺之中親侍旦及執巾履之役如是十七日王君見君謹密使主領衣書神錄之章復三年乃命駕造白王龜山請王母於清琳宮君時從焉西王母曰總真今乃挾肉人以登靈臺不亦勞乎王君笑而不荅因曰君起再拜自陳願賜長生之術王母曰吾昔先師元始天王及扶桑大帝君時乃聞居於希林之臺積寶之房說玄玄之道見遺以要言所謂玉佩金璫之道太極玄真之經也君拜受所言王母勅王君一一解釋玄玄之經又自敕出金璫之文以口告於君也受命言訖王君將初歸西城按而行之三年之中色如女子目有流光面生玉澤王君又賜君九轉還丹二劑及神方一首告之曰道已成可以反矣復百年求我於南岳將授汝仙在於吳越也於是辭師乃歸時年四十九君父母尚在見之大怒曰為子不孝不親供養尋遂妖亡流走四方欲杖罰之君長跪謝曰受命應當得道今道已成不可杖擊恐三官考察非小故也父不信於是操杖向君適欲舉杖杖即摧折成數段數段皆飛揚如弓矢之發中壁穿中柱柱陷父悟不敢打怒乃止父又曰汝言得道能起死人否君曰死人有罪重積惡不可復生有夭壽短折者則可令起也乃召社公問此村中已死者誰可召還促約所聞由使發遣之至日入之後社公來白事云某甲已決了便可發出於是掘地掘棺舉而出之三日能坐語言了如此發數人家皆遂生活鄉里遠近咸稱君為神明之君後十餘年君父俱死行喪如禮中弟固漢景帝時舉孝廉累遷至武威太守弟衷少以節行顯名從梁國為孝王上賓宣帝地節二年遷離陽令後拜為五更大夫轉西河太

薩真人

薩真人名守堅蜀西河人也少有濟人利物心嘗學醫誤用藥殺人遂棄
醫遁聞江南三十代天師虛靜先生及林王二侍宸道法故往師之至陝
行囊已盡見三道人來問堅何所往堅告以故道人曰天師羽化矣復問
王侍宸曰亦化矣再問林靈素曰亦化矣薩方悵恨一道人曰今天師道
法亦高吾與之有舊當為作字可往訪之吾有一法相授日間可以自給
遂授以呪書之術曰呪一棗可取七文一日但呪十棗得七十文則有一
日之資矣一道人曰吾亦有一法相授乃雷法也真人受辭用之皆驗一
日凡呪百餘棗止授七十文為日用餘者復以濟貧及到信州見天師授
信舉家皆哭乃虛靖天師親筆也信中言吾與王侍宸林天師遇薩君各
賜一法授之矣可為參錄奏名真人後法愈大昱嘗經潭州人聞神語曰
真人提利來日至次日人伺之只見真人携篋笠至有提點刑獄之牌人
異之繼至湘陰縣浮梁見人用童男童女生祀本處廟神真人曰此等醜



神即焚其廟言訖雷火飛空廟立焚矣人莫能救但聞空中有云頭法力
常如今日自後廟不復興真人至龍興府江邊濯足見水有神影方面之
巾金甲左手拽神右手執鞭真人曰爾何神人也答曰吾乃湘陰廟神天
善神真人焚吾廟後今相隨一十二載只候有過則復前讎今真人功行
已高賤隸天樞望保奏以為部將真人曰汝免惡之神坐吾法中必損吾
法其神即立誓不敢背盟真人遂奏帝收係為將其應如響後真人至涪
州忽一日諸將現形環侍台曰天詔將臨召真人歸天樞領位真人方起
身而立即化後槩棺輕如常木眾異而開視則已空棺且知真人得屍解
之道也



袁千里

袁勝字千里南豐人王侍宸姊氏子也育斬勘雷法髮髯勇氏端平間寓
戴顓家一日謂戴顓曰吾逝矣可焚我言畢而卒戴焚之火及屍煙燄中
有旗現金字曰雷霆第三判官袁千里也



傳大士

傳大士名翁婺州義烏人也自幼聰慧通二教之書自號善慧大士梁普通元年遇三僧嵩頭陀語曰尔弥勒化身遂令自鑿於水乃見圓光室蓋即悟前因因問脩道之地頭陀指松山下雙椅木曰此可矣大士於此初庵大通三年置寺雙椅間即今雙林寺有法華經梁武帝所賜鐵犁耕鉢水晶教珠七佛銅冠至今存焉大士雖出家者流而不髡或以為有先知能克德士之冠服云又有餘虎岩在義烏城南二十五里雲黃山頂猛獸縱橫大士齊竟每持餘飯飼之自茲伏匿因是立名飯化石青曰而紫珠不意商自茲授記唯此一家能之相傳他人放效石即裂碎而漸有忠猷王往婺州發大士塔取骨殖不龍山舉之不動即其地建龍華寺以骨殖塑大士像于塔矣

三教搜神大全

卷二

二十



崔府君

崔府君者乃祈州鼓城人也父讓世為巨農絕良德義鄉里推重年將知命未立繼嗣諡與妻議之曰我平日所為常存濟物之心今何無嗣不若與汝共發虔誠禱於北岳妻從其言同詣北岳祠下禱祝祈嗣畢歸即中安下是夜夫妻夢一仙童手擎一合崔讓問之童曰帝賜合中之物令君夫妻吞之言訖舉合蓋視之見義王二枚夫妻各吞其一忽然而覺自後有娠腹懷十月滿足於隋大業三年六月六日降生一子神彩秀美異於常人幼而從學日誦千言不窺群子之戲因名子王凡事過人卿人咸為積善之家天賜也時唐太宗貞觀七年詔舉天下賢良赴都朝廷任用府君亦在內焉各賜縣令出身惟府君除潞州長子縣令正直無私洞察秋毫郡人皆言知縣晝理陽間夜斷陰府時五月初間知縣省喻邑人此月望日及望後一日無得殺生及獵射如犯者官中決斷陰府理問時有善射者朱塞哥等二人潛出郭外射得兔一隻入城門吏搜住執於庭下問之曰爾等故犯欲以縣庭受刑陰府受罰其人云乞於陰府受罰以為陰理將遠言訖各放還家是夜方就枕俄有一黃衣吏喚二人至于公庭一虎出自衙符牒隨吏而至公庭崔公責之曰汝乃異類所食者有分定輒敢違其天意貪食人命罪當如何其虎聞之觸階而死自此邑人立生祠而祀之時潞州太守奏申朝廷貞觀十七年府君遷磁州滏陽縣令整太宗陰府君在之事決楊叟二子負債之寃後遷衛州衛縣令與奕棋人楊叟同赴任所西南五里有河時夏月水汎漂溺民田公于河上設壇以詞奏于上帝少頃間有一頭蛇浮于水面而卒水漸散去郡人亦立生祠祀焉有一日公與楊叟奕棋公忽起楊叟亦起公云爾見否忽有黃衣數輩執符而言曰吾奉上帝命云云次有玉珪王帶于服冠簪秀衣五岳衛具又有百餘人皆拜畢而立奏蕭韶絲竹之音樂復有一神取白馬至府君

曰汝輩少待之遂呼二子曰吾將去世矣無得大慟取紙筆寫百字銘以訓其子二子泣拜而授命言訖而卒在六十四年矣後玄宗值祿山兵亂帝夜夢神人告之曰願陛下駕不可別此方賊不久而滅矣又何避之於是帝問姓名曰臣乃磁州滏陽縣令崔子玉帝驚而覺焉後果如其言駕歸闕下建廟封靈聖護國侯至唐武宗天下洪水漲溢禱之乃止加封護國威應公宋真宗東封岳岳加封上號護國西齊王至宋高宗之避狄難自鎮走鉅鹿馬斃冒雨獨行暮宿老嫗家嫗與帝澤衣洗足進飯飯且告曰當借一遊騎早去約五鼓以包一氣肩置焉帝請行稍前近三歧路忽見白馬帝異之躡其後脫至靈祠下有土撫之汗如雨因宿夢青衣方袍人杖擊地輒其亟行驚起遲明發眠紙亭祝板題云磁州都土地崔府君俄聞琰瑛聲乃登殿觀像如夢中所見寂無人唯几上有合內有酒食帝食之將出焉白馬復前導至斜橋谷馬忽不見益異之而從臣耿南仲將兵數千來迎及南渡駐蹕於杭州帝首為立廟焉賜廟額曰顯衛

三教搜神大全

二卷

二十二



普庵禪師

普庵禪師名印肅袁州宜春縣溥化村父余慈母胡氏當宋徽宗政和五年十一月二十七日辰時生年六歲夢一僧點其心曰汝他日當自覺以意白母視之當心有一點紅堂大似世之櫻珠父母因此許從壽隆院賢和尚出家年二十七歲落髮越明年受戒師容貌魁奇智性巧慧賢師器之勉令誦經師曰嘗聞諸佛元旨必貴了悟于心數墨巡行無益于事遂辭賢遊湖湘謁大為牧庵忠公因問方法歸一一歸何處忠公豎起拂子師遂有省後歸受業院癸酉歲有隣寺慈化者請眾住持寺無常住師布衾紙衣晨粥暮食禪定外唯閱華嚴經論一日大悟遍躡汗流喜曰我今親契華嚴經遂述頌曰

描不成團撥不開

何須南岳又天台

六根門首無人會

惹得胡僧特地來

自此之後發為言句動悟幽顯有不期然者一日忽有僧名道存冒雪至三教搜神大全

二卷

二十二

師目擊而喜曰此乃吾不請友矣遂相與寂坐交相問答或笑或謂僧曰師再來人也非久當大興吾教乃指雪書頌而行師乃掩隱南嶺其號曰普庵忘懷于世因四縣巡檢丁君驥與長者劉汝明同請出山願助營費重為慈化脩建佛殿師辭不獲竟從請至則慕道向風者眾師乃隨宜為說或書頌與之有病患者折草為藥與之即愈或有疫毒人跡不相往來者師與之頌咸得十全至於祈晴伐雨水毀淫祠靈應非一由是工役大興富者施財貧者施力巧者施藝寺宇因茲鼎新延以數千里之間開路建橋樂為善事皆師之化或問師脩何行而得此師乃當空畫云還會麼其人云不會師云止不須說其直機無辨多如此而歌頌讚語遍傳人間如證道歌判源錄已盛行於時忽一日索筆書頌於方丈西壁云

乍雨乍晴寶象明

東西南北亂雲深

失珠無限人遭劫

幻應權機為汝清

枯木救度領畢示眾曰諸佛不出世亦無有涅槃入吾室者必能無契矣善自護持無令退失索浴更衣跏趺而寂時則乾道五年七月二十一日

也享年五十五僧臘二十八年十一月一日全身入塔是時四眾云集悲
號之聲振動山蓋師之終始大槩如此
普庵寂感妙濟正覺昭顯禪師
聖朝大德四年歲次庚子秋七月加封
大德二字餘封如故



吳客三真君

昔周厲王有三諫官唐葛周也王好畋獵失政三官諫曰先王以仁義守
國以道德化民而天下咸服未聞禽荒也屢諫弗聽三官棄職南遊於吳
吳王大悅會楚兵侵吳王甚憂之三官進曰臣等致身以死事大王自有
安邦之謀但大王無慮耳三官迎敵各用神策楚國皆降吳王遷賞三官
拜辭奏曰臣等客臣也不敢受賜后知厲王薨宣王立復歸周國宣王錫
受甚厚仍其爵位后救太子靖王降五方使者及非灾橫禍宣王遷三官
於東充撫治安慰民受其賜商請其資所至無乏其國大治三官既昇加
封侯號

唐宏字文明孚靈侯七月二十一日誕

葛雍字文度威靈侯三月十一日誕

周斌字文剛浹靈侯二月初二日誕

宋祥符元年真宗東封岱岳至天門忽見三仙自空而下帝敬問之三仙
曰臣奉天命護衛玉駕帝封三仙曰

昭靈侯



昭靈侯南陽張公諱路斯隋之初家于潁上縣百社村年十六中明至第
唐景龍中為宣城令以才能稱夫人石氏生九子自宣城罷歸常釣于焦
氏臺之陰一日顧見釣處有宮室樓殿遂入居之自是夜出旦歸一輒
寒而濕夫人令問之公曰我龍也夢人鄭祥遠者亦龍也與我爭此居明
日當占使九子助我頭有絳綃者我也青綃者鄭也明日九子以弓矢射
青綃者中之怒而去公亦逐之所過為谿谷以達于淮而青綃者授于合
肥之西山以死為龍穴山九子皆化為龍而石氏壅開洲公之兄為馬步
使者子孫散居潁上其墓皆存焉事見于唐布衣趙耕之文而傳于淮潁
間父老之口載于歐陽文忠公之集古錄云自景龍以來潁人世祠之于
焦氏臺乾寧中刺史王敬堯始大其廟有宋乾德中蔡州大旱其刺史司
超聞公之靈築祠于禱既雨翰林學士承旨陶穀為記其事蓋自淮南至
于陳蔡許汝皆奔走奉祠景德中諫議大夫張東奉詔益新潁上祠宇而



熙寧中司封郎中張徽奏乞爵號詔封公昭靈侯石氏柔應夫人廟有穴
藁往見變異出雲雨或投器穴中則見于池而近歲有得蛻骨于地者
金聲玉質輕重不常今藏廟中元祐六年秋旱甚郡守尤圖閣李士左朝
奉即蘇軾迎致其骨于西湖之行祠典吏民禱焉其應如響乃益治其廟
宇也

義勇武安王

義勇武安王姓關名羽字雲長蒲州解良人也當漢末與涿郡張飛佐劉先主起義兵於南陽卧龍三謁茅房聘諸葛孔明宰割山河三分天下國號為蜀先主命關公為荊州牧不幸呂蒙設計公乃不屈而亡追贈大將軍葬于玉泉山士人感其德義歲時奉祀為宋真宗祥符五年十月十七日夜有神人自空而降奏曰臣乃上天直符使者王帝有勅后八日有聖祖軒轅降于宮闕言訖而去帝次日與群臣議之酒掃宮室設祭禮至日聖降于延恩殿帝拜於前聖曰吾往昔人皇氏也其后為軒轅即依趙宋之始祖也吾以汝善脩國政抚育下民而來言訖聖昇天矣帝大異之帝與群臣議之聖降之跡山存天香未散群臣賀曰陛下聖德所感聖祖降于宮闕帝詔天下梵宮並建聖祖寶殿至祥符七年解州刺史表奏云鹽池自古生鹽收辦宣課自去歲以來鹽池咸水有虧課程此係災變敢不奏聞帝遣使持詔至解州城隍廟祈禱焉使夜夢一神告曰吾城隍也鹽池之患乃蚩尤也往昔蚩尤與軒轅帝爭戰帝殺之于此地鹽池之側至今尚有近跡近聞朝廷創立聖祖殿蚩尤大忿攻竭鹽池之水颶然而奔得此報應迴奏于帝上與群臣議之王欽若奏曰地神見報當設祭以禱之帝遣呂夷簡持詔就鹽池禱之祭畢是夜夢一神人絨服金甲持劍怒而言曰吾乃蚩尤神也奉上帝命來此鹽池於民有功以國有益今朝廷崇以軒轅立廟于天下吾乃一世之讎也此上不平故竭鹽池水朝廷若能除毀軒轅之殿吾令鹽池如故若不從竭絕鹽池五穀不收又使西戎為邊境之患言訖而去夷簡颯然而寤其夢中之事回奏於帝上亦夢之王欽若奏曰蚩尤乃邪神也陛下可遣使就信州尤虎山詔張天師可收伏此怪帝從之乃遣使詔天師至闕下帝曰昨因立聖祖軒轅殿致蚩尤怒涸絕鹽池之水即今為患召卿斷之天師奏曰臣奉一將最勇勇者蜀關將軍也臣當召之可討蚩尤必成其功言訖師召關將軍至矣現形於帝前帝云蚩尤竭絕鹽池之水將軍奏曰陛下聖命敢不從之臣乞會五岳四瀆名山大川所有阴兵尽往解州討此妖鬼若臣與蚩尤對戰

三教搜神大全

三卷

三



三教搜神大全

三卷

四

必待七日方勦除得伏願陛下先令解州管内戶民三百里內尽閉戶不出三百里外尽示告行人勿得往來待七日之期必成其功然後開門如往恐觸犯神鬼多致死亡帝從之關將軍乃授命而退遂下詔解州居民悉知忽一日大風阴暗白晝如夜陰雲四起雷奔電走似有鐵馬金戈之聲聞空中叫噪如此五日方且雲收霧散天晴日朗鹽池水如故皆關將軍力也其護國祐民如此帝加其功遣王欽若賁詔往玉泉山祠下致享以謝神功復新其廟額曰義勇追封四字王号曰武安王宋徽宗加封尊号曰崇寧至道真君
格正氣雷行天自三國迄今弥久弥光不數孫權曹操百戰顧荊州忠義萬年心尚赤 正氣不磨想去時还復天地三分安漢鼎英雄千載胆犹寒 忠魂常在至今日枕壯山河生前壯氣吞吳魏未許三分 兄弟情親豈忘彼一時盟誓死後名高歷太華德垂万古 君臣義重不枉了素讀春秋一片丹心垂竹帛
廟貌用清古 威名歲月深

清源妙道真君

清源妙道真君姓趙名昱從道士李珣隱青城山隋煬帝知其賢起為嘉州太守郡左有冷源二河內有犍為老蛟春夏為害其水汎漲漂淪傷民昱大怒時五月間設舟船七百艘率甲士千餘人夾江鼓譟聲振天地昱持刃入水有頃其水赤石崖奔吼如雷昱右手持刃左手持蛟首奮波而出時有佐昱入水者七人即七聖是也公斬蛟時年二十六歲隋末天下大亂棄官隱去不知所終後因嘉州江水漲溢蜀人見青霧中乘白馬引數人鷹犬彈弓獵者彼面而過乃昱也民感其德立廟於灌江口奉祀焉俗曰灌口二郎太宗封為神勇大將軍明皇幸蜀加封赤宋真宗朝益州大亂帝遣張乖崖入蜀治之公詣祠下求助於神果奏請于朝追尊聖号曰清源妙道真君

三教搜神大全

三卷

五

此半板應有威惠顯聖王像原本即缺非缺葉也

威惠顯聖王

神姓伍名負字子胥楚大夫奢之子也平王聽費無極說殺父奢兄尚十胥奔吳言伐楚之利欲以報仇吳與楚戰吳果勝焉吳遂入郢負掘平王塚出其尸鞭之三百乃雪父仇吳伐越王勾踐擊傷闔廬死子夫差立二年而報越勾踐棲于會稽使大夫種厚幣遺大宰嚭以請和求委國為臣妾吳王許之子胥諫不聽退而告人曰吳其為沼乎十一年夫差將為魯伐齊勾踐率其眾而朝王及列士皆有賂吳人皆喜子胥獨嘆曰是秦吳也不如早從事焉負屬其子於齊鮑氏大宰嚭因說之曰負恨其計不用將為亂王使賜之利刃以死將死曰樹吾墓以楨可材也吳其亡乎三年其始弱矣吳王聞之怒乃取負尸盛以鴟夷華浮之江中吳人憐之為立祠江上命曰胥山吳王既誅負乃伐齊大敗齊人於爰陵十四年會諸侯于黃池越入吳二十三年而越卒滅吳唐元和間封惠廣侯宋封忠武英烈顯聖安福王

三教搜神大全

三卷

六

聖朝宣賜王號

忠孝威惠顯聖王

祠山張大帝



祠山聖烈真君姓張諱勣字伯奇武陵龍陽人也父曰龍陽君母曰張媼其父龍陽君與媼遊於大湖之陂正晝無見風雨晦冥雲蓋其上五祥青雲雷電並起忽失媼處俄頃開霽媼言見大女謂曰吾汝祖也賜以金丹已而有娠懷胎十四個月當西漢神雀三年二月十一日夜半生長而奇偉寬仁大度喜怒不形於色身長七尺陰華美髯髮垂委地深知水火之道有神告以地荒僻不足建家命行有神獸前導形如白馬其聲如牛遂與夫人李氏東游吳會稽渡浙江至蒼雲三百鶴山山有四水會流其下公止而居焉於白鶴得柳氏於烏程桑垓得趙氏為侍人王九弟五子一女八孫始於吳興郡長興縣順靈鄉發跡役陰兵自長興剡溪疏鑿聖蹟長十五里岸高七丈至十五丈總三十里志款通津於廣德也復於後村畢宅保小山楓樹之側為掛鼓壇先時與夫人李氏密議為期每餉至鳴鼓三聲王即自至不令夫人至開河之所厥後因夫人遺殮於鼓乃為烏

啄王以鳴鼓而餉至伯王詣鼓壇乃知為烏所誤及夫人至鳴其鼓王反以為前所誤而不至夫人遂詣興功之所見王為大猗役陰兵開鑿廣河王見夫人變形未及遂不與夫人相見聖蹟之功息矣適於廣德縣西五里橫山之頂居民思之立廟於山西南隅夫人李氏亦至縣東二里而化時人亦立其廟聖蹟之河洄為民田即浴兵池為湖灌既瀕湖之田僅萬頃掛鼓之壇禽不敢棲蟻不敢聚云唐天寶中禱雨感應初贈水部員外郎橫山改為祠山昭宗贈司農少卿賜金紫景宗封廣德侯南唐封為司徒封廣德公後晉封廣德王宋仁宗封靈濟王至寧宗朝累加至八字王至理宗淳祐五年改封正佑聖烈真君至咸淳二年十二月十二日准告加封

正佑聖烈昭德昌福真君二月十一日誕生

封正寧昭助靈惠順聖妃李氏二月初二日誕生

封協應濟惠慈昭廣懿夫人趙氏封協順承濟慈佑廣助夫人

王祖顯慶垂休昭遠靈惠侯王祖母顯應起家昭靈夫人

三教搜神大全

王母慈惠嗣徽聖善夫人

九弟

靈昭普濟昭助侯

善利通昭靈助侯

順戒孚應顯助侯

康衛昭應廣助侯

靖鎮豐利宏助侯

休應豐澤孚助侯

明濟福謙善助侯

昭祐通濟信助侯

嘉惠予直順助侯

五子

承烈顯濟啓佑王五月十五日承祀贊福元穆協應夫人

嗣應昭佑公正月初四日誕生嗣嬪翊福昭穆夫人

濟美崇祐公三月十五日誕生濟順保福恭穆夫人
紹休廣祐公十二月十二日誕生紹妙崇福交穆夫人
善繼孚祐公正月十一日誕生善行敷福瑞穆夫人
一王女

淑顯柔嘉令儀夫人王婿李夫人本廣元像位醮筵及祠祭呼云
八王孫

第一位衍福侯 第二位衍祚侯
第三位衍祐侯 第四位衍澤侯
第五位衍瑞侯 第六位衍渥侯
第七位衍慶侯 第八位衍惠侯
佐神丁壬二聖者
打拱方使者封協靈侯

三教搜神大全

三卷

九



掠刷使

按幽怪錄云杜陵常元方外兄裴璞任邠州新平縣尉元和五年璞卒于官長慶初元方下第將客于隴右出開遠門數十里抵偏店將憩逢武吏躍馬而來騎從數十而貌似璞見元方若識而急下馬避之入茶肆垂簾于小室中其從御散坐簾外元方疑之亦造其邸及裴簾入見真裴璞也元方驚喜拜之曰凡去人間復效武職何也從吏之糾七焉裴璞曰吾為陰官職受武士故武飾耳元方曰何官曰隴右三川掠刷使耳曰何所司耶曰吾職司人剽財而掠之元方曰何謂剽財璞曰人之轉貨求焉也命皆即叶忽遇物之稍稀或主人深顧所得乃踰數外之財即謂之剽故掠之焉元方曰安知其剽而掠之璞曰生人一飲一酌無非前定况財寶乎陰司所籍其獲有限獲而踰籍陰吏乃刷而掠之也元方曰所謂掠者奪之於囊耶璞曰之於懷耶璞曰非也當數而得一一有成數外之財為吾所運或令虛耗或索橫事或買賣不及常價殊不關身尔始吾之生也常謂三教搜神大全

商勤得財農勤得穀士勤得祿只歎其不動而不得也夫獲舟之商旱歲之農屢空之士豈不勤乎而今乃知勤者德之基學者善之本德之基善乃立身之道耳亦未足以邀財而求祿也子之逢吾亦是前定合得白金二斤過此遺子又當復掠故不厚矣子之是行也故甚厚而分甚薄於涇殊无所得諸鎮平尔人生有命時不泰差以道靜觀无復躁撓勉之哉璞以公事須入城中陰具限數不可遠越遂以白金二斤授之揖而上馬元方固請曰間別多年忽此集會款言未幾又隔晦明何遽如此璞曰本司解署置在汧隴間吐蕃將來慮其侵軼當共陰道京尹共議會盟雖非遠圖聊亦紓患亦且安邊之計也我馬已駕來期不遠事非早謀不可為備且去且去上馬數步遂不復見顧其所遺乃真白金也悵然而西所歷之獲无差其說彼樂天知命者蓋知事皆前定矣俄而蕃軍騷動朝廷知之又虞其叛思援臣以為謀宰相蒞盟相崔公不款臨境遂為城下之盟卒如其說也

松江遊奕神



翰苑名談云陳亮咨泊舟三山磯有老叟曰來日午有大風舟行必覆宜避之來日天晴萬里無片雲舟人請解纜公曰更待之同行舟一時離岸公托以事曰午天色恬然俄而黑雲四起於天降大風暴至折木飛沙怒濤若山同行舟多沉溺公驚嘆又見前叟曰某實非人乃江之遊奕將也以公他日當位宰相固當奉告公曰何以報德叟曰吾不求報貴人所至龍神禮當衛護願得金光明經一部某乘其力薄有遷職公許之至京以金光明經三部遣人詣三山磯投之夢前叟曰本祇祈一公賜以三今連陞數秩再拜而去矣

常州武烈帝



忠佑武烈大帝姓陳諱果仁字世威常州晉陵人也聖祖高字元皎仕陳為羽林郎洪州建昌縣令父季明字玄渙仕陳為江州司馬領南道採訪使尋拜給事中帝於梁太清三年己巳三月望日午時誕英姿照人有鼎角匿犀之異眾皆奇之八歲能屬文十三遍讀諸史人皆咸為再生東家丘陳大帝天康元年舉進士第對策至階年甫十有八上曰朕與卿太丘之後家世自茲不墮特授監察御史遷江西道巡察大使帝智勇絕人精深諳畧有經濟天下之志仕陳二十有五載事親以孝事君以忠德惠萬民威名滿天下後主失政遜于隋遂亟上印綬歸隱不仕以田園為終老計隋高祖累詔不起煬帝南遊江都群盜並起帝聞其名詔令討盜俾除民害義不可辭奉命而起大業五年授東義尉平長山以叛寇鞠其真偽各得其情眾悅服仕至朝請大夫九年正月奉詔平江寧樂伯通叛徒十萬授銀青光祿大夫十三年改號義寧恭帝全號奉詔平東陽奕世幹賊

衆二十萬隋王勅之召入拜大司徒大業末沈法興起兵吳興乃帝室之
 父意欲倚帝為重帝輸忠貫日抗節凌秋確乎不移法興謀據常郡包藏
 禍心陽為依附實欲加害時賊帥李子通集衆數萬屯江北與法興陰為
 應援震帝威勇不敢渡至唐高祖武德二年庚辰五月十八日法興詐稱
 疾亟走告于帝不得已往問疾飲酒中毒馳歸時有高僧漂禪師以醫名
 世亟召之治療其法當於閑寂無人處水滌腸去毒帝室沈氏宗仇儼之
 義深切痛心至也上潛窺而觸之帝自知不可為遂囑付漂禪師及軫張
 二妃俾施所居第并南郊為精舍東第為崇仁觀言訖而薨享年七十有
 二法興聞之意欲陰謀得志豈知帝英爽如在忠節愈勵一日黑雲蔽空
 風雨晦冥忽見形威發一神矢射薨法興與寇衆四清其護國威靈有如此
 者唐天子欲旌其功乃下詔詢訪本郡耆老故陳司徒身備八絕何謂耆
 老等條奏曰忠孝文武信義謀辨是謂八絕事唐封忠烈公繼封福順武
 烈王後周加以帝號宋宣和四年賜廟額曰福順一武列顯靈昭德大帝
 武烈沈后 軫后 妃贊幽張夫人 神眷

三教搜神大全 三卷

十三

神父啓靈侯
 神母懿德段夫人 神繼母嘉德伊夫人
 神長子贊惠濟美侯
 次子協應濟順侯 神孫處士
 佐神柴大尉名克宏封翊靈將軍

三教搜神大全

三卷

十四

楊州五司徒



楊州英顯司徒許祝蔣吳五姓是邦血食久矣載在南史及梁書王琳
 列傳云王琳會稽山陰人也本兵家破景有功能輕身下士所得賞物不
 以入家其麾下萬人多江淮人也累立大功仕至特進將軍會陳將吳明
 徹來寇境帝遣領軍將擊破胡等出牧秦州令琳共為經畧琳謂破胡曰
 軍士嚴整切勿須戰破胡不從遂戰軍大敗琳單騎而獲免還至彭城帝
 令更赴壽陽進封為巴陵王陳將吳明徹進兵圍之堰肥水灌城晝夜攻
 擊城內水氣浸人皆患腫死者甚衆城陷琳被執百姓泣而從之吳明徹
 恐其為變殺之哭者聲如雷傳首建康縣之於市琳故將吏朱瑒等致書
 求以首吳明徹亦夢琳求首並為啓陳主而許之于是與開府儀同三司
 劉韶慧等持其首還于淮南權廢入公山側義故會葬者數千人瑒等乃
 間道北歸別議迎接尋有揚州人茅知勝等五人密送堽至建業即五神
 也五神居揚州日結為兄弟好畋獵其地舊多狼虎人罹其害山溪畔遇

一老婦五神詢問竭然無親饑食溪泉五神請于所居之廬拜呼為母侍養未久或出獵而歸不見其母五神曰多被虎散俱奮身逐捕山間有虎巡前伏地就降由此虎患始息後人思其德義立廟祀之凡所祈禱隨求隨應廟今在江都縣東興鄉金匱山之東至隋煬帝時曾護駕有功封號司徒唐加侯號宋至紹定辛卯逆賊李全數來寇境禱于神不吉以神像割破之不三日全被戮于新塘肢體散落猶全之施于神者乎賊平帥守趙公范親率僚屬致享祠下以答神貺撤其廟而增廣之錄其陰助之功奏請于朝賜廟額曰英顯加封至八字侯後平章賈公似道來守是邦有禱于神者遇旱暵則飛雨憂淋潦則返照救焚則燭滅歆雪則瑞應其護國祐民無時不顯復為奏請加封王號

- 第一位靈威忠惠翊順王
- 第二位靈應忠利輔順王
- 第三位靈助忠衛佐順王
- 第四位靈佑忠濟助順王
- 第五位靈勇忠烈孚順王

三教搜神大全 三卷 十五



蔣莊武帝

建康府蔣莊武帝諱子文楊州人也漢末為秣陵尉逐賊至鍾山下擊傷額而死焉及吳先主之初其故吏見子文於道乘白馬執白羽扇侍從如平生故吏見而驚走子文追謂之曰我當為土地神以福爾下民為吾立廟不尔使虫入人耳為灾吳王以為妖言後果有虫入人耳死者甚衆醫巫不能治云尔不祀我當有大火是歲數有火灾又云不祀我當有大疫吳主患之封中都侯加印綬立廟于鍾山更名曰蔣山表其靈異晉穆峻之難帝夢蔣侯曰蘇峻為逆當助共誅之後果斬峻加封相國太元中符堅入寇望見王師部陣齊整又見八公山生草木皆類人形憚然有惧色初會稽王導聞堅入寇以威儀鼓吹求助於蔣山神及堅望之若有助焉杜祐通典云宋高帝永初二年普禁淫祠自蔣子文以下皆絕之若有助焉國大都督中外諸軍事封蔣王齊永明中崔慧景之難迎神還臺以求福助事平乃進帝號復新廟宇於廟首門為靈光門中門為興善門外殿曰帝三教搜神大全 三卷 十六

山內殿曰神居梁武帝常祠而不應遣使典焚其廟未及中途忽風雨大振動宮殿帝權祠之乃止南唐諡曰莊武帝更修廟宇徐鉉奉勅撰碑備載其事因宋朝會要曰開宝八年廟火雍熙四年重建景祐二年陳公執中增修請于朝賜廟額曰惠烈

三教搜神大全 三卷 十七

牙蟲女

高辛時蜀有蚕女不知姓氏父為人所掠惟所乘馬在女思父不食謂母因誓於眾曰有得父還者以此身嫁之馬聞其言驚躍振迅竟至其營不數日父乃乘馬而歸自此馬嘶鳴不肯斷母以女誓眾之言告父父曰誓於人不誓於馬安有人而偶非類乎能脫我之難功亦大矣所誓之言不可行也馬跑父怒欲殺之馬愈跑父射殺之曝其皮於庭皮蹶然而起捲女飛去旬日皮復棲於桑上女化為蚕食桑葉吐絲成蠶以衣被於人服一日蚕女乘雲駕此馬謂父母曰上帝以我心不忘義授以九天仙嬪



三教搜神大全 三卷 十八

威濟李侯

侯姓李諱禄安吉州長興縣童莊人也於宋徽宗崇寧三年正月十八日甲申生長而異稟性質顯語不妄發鄉社之人遇有休咎禍福之將至輒能前知而告戒之年十八當宣和三年三月忽預告鄰里鄉社云吾將往山東膠西為國家幹事恐須數年方歸遂端坐而逝遠近相傳莫不異之其後數有靈跡見于本鄉如年穀之豐凶蚕麥之得失皆以傳之巫覡殆若印券契論不差毫釐於是父老相率為立香火之地而祠祭之至寧宗開禧三年十一月三日通直即知長興縣趙準狀申濟惠顯應實跡所陳中州備申朝廷賜廟曰顯應至理宗寶慶元年本縣寄居朝散郎賜緋魚袋陳昂等列狀云諸路州縣境內有因雨暘水旱祈禱感應實有利惠及民例須保明聞奏更乞特賜封爵以彰神之功烈以慰一方士民之望奉勅封威濟侯





趙元帥

三教搜神大全

三卷

十九

姓趙諱公明鍾南山人也自秦時避世山中精脩至道功成欽奉玉帝旨召為神霄副帥按元帥乃皓廷霄度天慧覺昏梵炁化生其位在乾金水合炁之象也其服色頭戴鐵冠手執鐵鞭者金蓮水炁也面色黑而鬚鬚者北炁也跨虎者金象也故此水中金之義牀則為道用則為法也則非雷霆无以彰其威泰華西臺其府乃元帥之主掌而帥以金輪稱亦西方金象也元帥上奉天門之令策役三界巡察五方提點九州為直殿大將軍為北極侍御史昔漢祖天師脩煉仙丹龍神奏帝請威猛神吏為之守護由是元帥上奉玉旨授正一玄壇元帥正則萬邪不干一則純一不二之職至重天師飛昇之後水鎮龍虎名山厥今三元開壇傳度其趨善建功謝過之人及頑冥不化者皆元帥掌之故有龍虎玄壇實賞罰之一司部下有八王猛將者以應八卦也有六毒大神者以應天煞地煞年煞月煞日煞時煞也五方雷神五方雷神五方雷兵以應五行二十八將



三教搜神大全

三卷

二十

以應二十八宿天和地合二將所以象天門地戶之闔闢水火二營將所以象春生秋殺之往來驅雷役電喚雨呼風除瘟剪癘保病禳災元帥之功莫大焉至如訟冤伸抑公能使之解釋公平買賣求財公能使之宜利和合但有公平之事可以對神禱無不如意故上天聖號為高上神霄玉府大都督五方之巡察使九州社令都大提點直殿大將軍主領雷霆副元帥北極侍御史三界大都督應元昭烈侯掌士定命設帳使二十八宿都總管上清正一玄壇飛虎金輪執法趙元帥

格聯

入化出神凜々威光耀日
駕風鞭電英々殺氣凌霄

杭州蔣相公

神姓蔣世為杭州人生宋建炎間舉賑施每秋成糴穀預儲貴則賤糴如無價歲歉或損以予饑者死之日祝其二弟曰湏存仁心力行好事里人相與塑其像以報人心所趨靈應如響祈卜者肩相摩咸淳初賜廟額曰廣福六年安撫潛說友請于朝封神及二弟皆列侯曰孚順孚應孚祐侯

三教搜神大全

三卷

二十一



增福相公

李相公諱詭祖在魏文帝朝治相府事曰魯陽間決斷邦國寬滯不平之事夜判陰府是非枉錯文案兼管隨朝三品以上官人衣飯祿料及在世居民每歲分定含有衣食之祿至後唐明宗朝天天成元年贈為神君增福相公

三教搜神大全

三卷

二十二



蒿里相公

蒿里趙相公者乃長安蒿里村人也世本農桑耕鋤為業公習科本登第為人鯁直无私累陳諫事不聽公乃觸階而死郡人立其祠今在長安西二十里有墳亦在至唐肅宗延和年封公為直列侯俗呼為相公也



三教搜神大全

三卷

三

靈派侯

李璿本衛州三用人也周世宗朝為將善騎射於国有功後因病至重有問疾者其般公無別語告眾曰我授山東漆河將軍也言訖公卒焉後人立祠于此至唐玄宗開元元年封為靈派將軍至宋真宗大中祥符八年封為靈派侯



三教搜神大全

三卷

三

鍾馗

明星開元講武驍山翠華還宮上不悅因疴疾作畫夢一小鬼衣絳續鼻洗一足履一足腰懸一履摺一筠扇盜太真繡香囊及上玉笛繞殿奔戲上前上叱問之小鬼奏曰虛者望空虛中盜人物如戲耗即耗人家喜事或處上怒欲呼武士俄見一大鬼頂破帽衣藍袍繫角帶鞍朝靴徑捉小鬼先刺其目然後孽而啖之上問大者爾何人也奏云臣鍾南山進士鍾馗也因武德中應舉不捷羞歸故里觸殿階而死是時奉旨賜綠袍以葬之感恩祭祀與我王除天下虛耗妖孽之事言訖夢覺疴疾頓瘳乃詔畫工吳道子曰試與朕如夢圖道子奉旨恍若有觀之筆成圖



三教搜神大全

三卷

二十五

神荼鬱壘

東海度朔山有大桃樹蟠屈三千里其卑枝向東北曰鬼門萬鬼出入也有一神一曰神荼一曰鬱壘主閱領衆鬼之出入者執以飼虎於是黃帝法而象之因立桃板於門戶上畫神荼鬱壘以禦凶鬼此門桃板之制也蓋其起自黃帝故今世畫神像於板上猶於其下書左神荼右鬱壘以除日置之門戶也



三教搜神大全

四卷

一

五瘟使者

昔隋文帝開皇十一年六月內有五力士現於凌空三五夫於身披五色袍各執一物一人執杓子并觀子一人執皮袋并劍一人執扇一人執鎚一人執火壺帝問太史居仁曰此何神主何災福也張居仁奏曰此是五方力士在天上為五鬼在地為五瘟名曰五瘟春瘟張元伯夏瘟劉元達秋瘟趙公明冬瘟鍾仕貴總管中瘟史文業如現之者主國民有瘟疫之疾此為天行時病也帝曰何以治之而得免矣張居仁曰此行病者乃天之降疾無法而治之於是其年國人病死者甚眾是時帝乃立祠於六月二十七日詔封五方力士為將軍青袍力士封為顯聖將軍紅袍力士封為顯應將軍白袍力士封為感應將軍黑袍力士封為感威將軍黃袍力士封為感威將軍隋唐皆用五月五日祭之后匡阜真人遊至此祠即收伏五瘟神為部將也



三教觀神大全

四卷

二

司命竈神

按酉陽雜俎云竈神姓張名單字子郭狀如美女夫人字卿忌有六女皆名祭即六癸女也白人罪狀大者奪紀二三百日小者奪壽二三百日故為天地督使下為地精已丑日二出卯時上天禹中下行署此日祭得福其屬神有天地嬌孫天地大夫天地都尉天地長兄剛上童子突上紫官君大和君王池夫人凡治竈於屋中央口向西竈四邊令去盆九寸以墀及細土構之立亦勿令穿析神竈之法也竈神以壬子日死不可用此日治竈當以五月辰日猪頭祭竈令人治生萬倍用犬祭竈凶敗雞毛入竈中至非禍大骨入灶出狂子正月己巳日白雞祭竈宜至五月己巳日祭竈吉四月丁巳日祭竈主百事大吉之兆



三教觀神大全

四卷

三

福神

福神者本道州刺史楊公諱成字昔漢武帝愛道州矮民以為宮奴玩戲其道州民生男選棟侏儒好者每歲不下貢獻百人使公孫父母與子生別有刺史楊公守郡以表奏聞天子云臣按五典本土只有矮民無矮奴也武帝感悟省之自後更不復取其郡人立祠繪像供養以為本州福神也後天下士庶黎民皆繪像敬之以為福祿神也

一教搜神大全

四卷

四



五盜將軍

世畧曰五盜將軍者即宋廢帝永光年間五盜寇也於方之地作亂為盜后於景和年帝遣大將張洪破而殺之于新封縣之北其五人又作怪盜于此祭之者皆呼為五盜將軍也 杜平 李思 任安 孫立 耿彥正

三教搜神大全

四卷

五



紫姑神

紫姑神者乃萊陽縣人也姓何名媚字麗卿自幼讀書办利于唐垂拱三年壽陽刺史李景納為妾其妻妬之遂陰殺之於廁自此始也紫姑神死於正月十五日故顯靈於正月也



五方之神

武王伐紂都洛邑天大雨雪甲子朔五神車騎止王門之外欲謁武王王曰諸神各有名乎軍師姜尚稱之尚父荅曰南海之神名祝融北海之神名玄冥東海之神名勾芒西海之神名蓐收河伯名馮修使謁者以名召之神皆驚而見武王王曰何以教之神曰天伐殷立周謹來受命各奉其使武王曰子歲時无癸札焉按傳共工氏子曰尤主社為后土神少昊子曰重主木為勾芒神顓頊子黎主火為祝融神少昊第二子該主金為蓐收神少昊第三子熙主水為玄冥之神也



南華壯生

莊子本姬姓名周因先世宗父名賜楚莊王第三子也封睢州蒙縣為下
 楚父賜恬退養高雖貴倨而未有也夫人若敖氏生子志羊弱冠力于儒
 林無冠冕志妻閭氏續因平王伍子胥之難更姓以楚莊之莊為莊姓愿
 子孫無忘乃祖意也乃隱姓名雜處于蒙縣之陽隨父母復亡居喪以禮
 昭王聞其賢而聘之羊乃身負糶妻持筐又遷于蒙成之東生莊周也與
 妻王氏躬耕鑿妻紡績日覩魚詢友為樂夜討黃廷經卷及南華經卷遺
 世周以放達為宏規以全真為內事柳盜蹠聞之不犯其門却孫武之金
 而不受逃赧王之聘而不起前妻野死哭而不哀次妻憂死歌而不哭遊
 秦閼而師老聃受仙丹而點骷髏南遊汨羅而會閻闔大夫于龍王之殿
 東遊瀛海而覓周太史于奔山之陽秦蹇叔棄令尹而相從于羽化長莊
 士叩秦閼而覓父于仙臺廣成子之為契尹寄生之為遊萬花谷中採藥
 不徑岩上宛丹指點三男于仕籍點化妻骸以返陽登層岩而感蝴蝶之

三教搜神大全

四卷

八



三教搜神大全

四卷

九

夢思人生如夢陽虎豹而嘆觀魚之樂舊事如新既而臨雲海以思故鄉
 之遊子由于南基輩分襟求决反故土而聚骨肉之欣雅養莊現莊六輩
 攜手歸仙
 滿門雲水為家瀛州上明月為朋老君以其徒之與有道也述其首末以
 聞于
 天帝封為協天翊運全真保氣護國庇民慈惠無量大德玄師

觀音菩薩

觀音乃鶯嶺孤竹國祇樹園施勸長者第三子施善化身來生於北闕國中父妙莊王姓婆名伽母伯牙氏養者父母以無嗣故祝于西岳香山寺天帝以其父好殺故奪其嗣而與之女長曰妙清次曰妙音三曰妙善惟妙善生時異香滿座霞光遍室而聰達便款了人間事至九歲力阻父命誓不成姻後因長次二女招及二郎俱不當肯父乃強妙善畢偶無奈善何始禁于後園中善守淨彌篤再捨入汝州龍樹縣白雀寺為妮暗命僧頭夷優寺化喻弗從乃跪以苦行妙善朝吸水暮聽釋晨焚掃書柴炊甕無難色誠感天使三千八百天龍持護伽藍掃地東海天王掃厨六丁上香遊奕點燭伽雀進茶飛猿進菜白虎嚙柴飛瓊毛嬙滋花八洞神仙獻菓夜中風雷喧嘩鬼神走動眾妮俱而復命于父遣五城兵馬忽必力驅兵圍寺焚之而妙善口叩靈山世尊齒嚙玉指噴血成紅而滅火救寺五百僧咸無恙焉必力再火再息三火三息無奈奏聞父怒命必力細押妙善入法場陰以母肯救之蓋深愛三女之慈順欲其完聚成婚以攝國政也殊意妙善色不變而志愈堅乃囚以冷宮日夜宮娥父母苦勸妙善不聽反失語激父大怒立賜必力斬訖土神忙奏玉帝賜以紅光尊體刀砍刀斷鎗刺鎗截乃賜紅羅絞死彼時一虎跳入負屍而去父曰不孝兒當得惡報蓋不知天使猛虎負善入於黑松林中正所以完善之果念也第善一時昏憂真靈香不知去處忽一童子手執幢幡請曰闔君有命還公主耳善曰何曰聞公主大慈惠十王躬候于汝天橋善如命只見鬼門關上牛首跪門夜了東燭鉄頭掃途入見一剛割獄刑問之曰以罰不忠不孝者流見一春磨刑曰以罰賤五穀草菅生物者流見一柱銅鍋刑曰以此待豪強也善曰法網何密曰奚啻於是目今獄有刀林以報過口紫者冰床以報恣耳目者有抉目括舌刑以報唆呪者又有抽腸刑以報腹剗舌劍者以至推人於穽者以奈河報以咎士女者以鞭鉗報以大壓小者以石壓縲繳禽獸者以虎蛇報以生前過富貴者以餓鬼報以籠絡人者以鎗林報諸獄果報不可勝數殊謂天眼之不昭而冥已

三教搜神大全 四卷

十一

可漏網耶已而諸地王闍長接于金橋之上錦蓋經膝紫雲佈地玉輦相迎歌女侍側善謝之曰妾否德敢辱寵招諸王曰聞大慈惠憐憫經筵少放萬一善曰阿彌善哉此殊意合手一誦而天花亂墜地擁金蓮鉄獄銅枷盡為齊粉而入千餘部之地獄悉空矣凡諸造業者皆脫離地獄步天堂焉時諸判官奏曰有陽即陰有善即有惡非地獄也何以待兇人則陽間造惡者將何以警耶此補陽化之所不及未可少也爾來大慈悲說法而地獄頽矣似此久留則鐵無堅獄天帝聞之有責至矣急請邀反陽也諸閻車送至孟婆亭而別命獄卒引至黑松林還魂善醒曰吾已昇天界矣奈何復至此乎沉吟良久章不知去向已而釋伽如來駕雲和南而揖因戲之曰草廬中堪容並你吾與聊生也善曰奈何以披毛之語讀我耶釋曰戲女心且堅矣愿帶往香山可乎善不答曰非別吾釋迦是也特示女去處善稽首稱謝曰何處曰越國南海中間普陀岩是女去處吾代呼地龍化一座蓮臺度洋而過于是白虎為之咬木加藍推開福地八部龍王日夜湧潮四部天王為之柱石善坐普陀岩九載功成割手目以救父病持壺甘露以生萬民左善才為之普照右龍女為之廣德感一家骨肉而為之修行普昇天界

三教搜神大全 四卷

十一

王帝見其福力遍大千神應通三界遂從老君妙樂之奏封為大慈大悲救苦救難南無靈感觀世音菩薩賜坐蓮花座為南海普陀岩之主賜父妙莊王為善勝仙官母伯牙氏為勸善菩薩大姐姐清為大善文殊菩薩青獅騎座次姐姐音為大善普賢菩薩白象騎座

王元帥



襄陽洛里姓王名惠字秉誠父諱臣早逝母邵氏遺胎而生帥于貞觀時
 丙申年七月庚申日申時帥幼孤不讀有膂力性剛暴厲直市中有不平
 者直與分憂鋤硬橫國人服其公且憚其武第多執性不容人分曲直
 故含恩者衆而仇之不盡泯焉時扶風內名黑虎者與帥同姓遂借其威
 名強淫人之室女凡殊姿者先接而後嫁謂之試先紅莫敢誰何後帥聞
 其冒余醜也怒殺之鄉儔與質於廷帥不跪官枉之而狂焉帥髮倒豎曰
 汚塗留他則甚余一一殲之以除民害闊步掘衣而上官懼唯曰衆隸
 胥等逢戮力救而釋之得無恙遂至荆襄間有古廟為江恠所占顯靈本
 方里邇年六月六日會主備牛羊猪各十牽酒十釀免瘟否則人物流血
 而疫遍會貧苦者幾至鬻男女以徇之悲聲盈耳帥惡而燒之廟像兩燼
 惟風大作適值薩真人托藥救瘟以來遂作法及風而滅妖境籍以安諸
 土主述事以奏

謝天君



至帝敕封谿洛王元帥錫金印如斗內篆赤心忠良四字管天下都社令
 凡有方士奏入者雷厲風行察有大過者立褫之官民不敢少干以私第
 帥多在天門用事不諳人民隱伏無以性烈一承天命即拘其冤令人骨
 悚世人勿犯之可也

謝天君

天君姓謝諱仕崇字雷行於貞觀初一輪火光如斗直射入山東火焰山界謝恩其父韓其母也帥性烈貌惡不屈於豪亦不敗于法為山陰令時寡東役督司以催科故嚇帥以千金帥密拾其賍報督怒之無從也因責以苦辯諸若水銀盛甲帥以錫餉者應勒以鼓革牛膠帥以敗鼓敗甲為膠而皮者為甲鼓奏進督害之不足又申以將才陰陷以把隘帥即夜率數兵以襲砍而塞虜心賊又乘敗以襲我虛帥又先移塞以伏弩侍之竟保無虞蓋役愈苦而才愈辯事愈險而功愈奇赤心烈節炳于天日誠不虛

玉帝之寵於耳目臣也宜受戕于火德天君執金鞭架火輪頭頂道冠以司九陽之令

三教搜神大全

四卷

十四



大奶夫人

昔陳四夫人祖居福州府羅源縣下渡人也父諫議拜戶部郎中母葛氏兄陳二相義兄陳海清嘉興元年蛇母興災吃人占古田縣之靈氣穴洞於臨水村中鄉人已立廟祀以安其靈通年重陽買童男童女二人以賽其私愿耳遂不為害時觀音菩薩赴會歸南海忽見福州惡氣冲天乃剪一指甲化作金光一道直透陳長者葛氏投胎時生於大曆元年甲寅歲正月十五日寅時誕聖瑞氣祥光罩躰異香繞闔金鼓若有群仙護送而進者因諱進姑兄二相曾授異人口術瑜珈大教正法神通三界上動天將下驅陰兵威力無邊遍勸良民行至古田臨水村正值輪祭會首黃三居士供享心惡其妖思靖其害不忍以無辜之揮嘆命于茶毒之口敬請二相行法破之奈為海清酒醉填差文券時刻以致天兵陰兵未應誤及二相為毒氣所吸適得瑜仙顯靈憑空擲下金鍾罩覆仙風所照邪不能近兄不得脫耳進姑年方十七哭念同氣一糸匍往閭山李法洞王女

三教搜神大全

四卷

十五

即法師傳度驅雷破廟罡法打破蛇洞取兄軀妖為三殊料蛇稟天宿赤翼之精金鍾生氣之靈與天俱盡豈能殺得第殺其毒不敢肆耳至今八月十三起乃蛇宿管度多興風雨霖霖電暴至傷民稼穡蛟妖出沒此其証也後唐王皇后分婉娘准災至危殆始知乃法到宮以法催下太子宮娥奏知唐王大悅敕封都天鎮國顯應崇福順意大奶夫人建廟于古田以鎮蛇母不得為害也聖母大造于民如此法大行于世專保童男童女催生護幼妖不為災良以蛇不盡殲故自誓曰女能布惠吾能行香普勸今人遂沿其故事而宗行之法多驗焉

聖父威相公

聖母葛氏夫人

聖兄陳二相公

聖姊威靈林九夫人 九月初九日生

聖妹海口破廟李三夫人 八月十五日生

助娘破廟張蕭劉連四大聖者

銅馬沙王

五猖大將

催生聖母

破產靈童

二帝將軍

天妃娘娘



妃林姓舊在興化路寧海鎮即莆田縣治八十里濱海湄洲地也母陳氏
營寧南海觀音舟以優鉢花吞之已而孕十四月始免身得妃以唐天寶
元年三月二十三日誕之日異香聞里許經旬不散幼而穎異甫週歲
在襁褓中見諸神像叉手作欲拜狀五歲能誦經音經十一歲能婆娑按
節樂神如會稽吳望子蔣子文事然以衣冠族不欲得此聲于里閭間即
妃亦且謫迹用晦櫛沐自嚙而已兄弟四人業商往來海島間忽一日妃
手足若有所失瞑目移時父母以為暴風疾急呼之妃醒而悔曰何不使
我保全兄弟无恙乎父母不解其意亦不之問暨兄弟羸勝而歸哭言前
三日颶風大作巨浪接天弟兄各異船其長兄船飄沒水中耳且各言當
風作之時見一女子牽五兩紅蓮桅而行渡波濤若平地父母始知妃向
之瞑目乃出元神救弟兄也其長兄不得救者以其呼之疾而神不及護
也懷恨無已年及笄誓不適人即父母亦不敢強其態居無何儼然端坐

而逝芳香聞數里亦猶誕之日焉自是徃徃見神於先後人亦多見其與
從侍女擬西王母云然尤善司孕嗣一邑共奉之邑有某婦離于十年
不字方萬萬稔終無有應者卒禱於妃即產男子嗣是凡有不育者隨禱
隨應至宋路允迪李富從中貴人使高麗道湄洲颶風作船幾覆溺忽明
霞散綺見有人登檣竿旋舞持柁甚力久之獲安濟中貴人詰于衆允迪
李富具列對南面謝拜曰夫此金簡玉書所不鯨鯢腹而能宣雨露於殊
方重譯之地保君綸不辱命者聖明力哉亦妃之靈呵護不淺也公等誌
之還朝具奏詔封靈惠夫人立廟於湄洲致守香火百家斷樸梓材丹牘
張矣我 國初
成祖文皇帝七年中貴人鄭和通西南夷禱妃廟徵應如宋歸命遂勅封
護國庇民妙靈昭應弘仁普濟天妃賜祠京師尸祝者遍天下焉夫妃生
而稟純靈之精懷神妙之慧死而司胤則人無闕司海則水不揚波其造
福於人豈淺鮮哉余嘗考之興化郡詩併採之費龜采碑記因畧為之傳
者如此

龐元帥



混元龍元帥

帥姓龐名喬字長清漢江渡口父龐定母姚氏生於漢獻初癸丑年十一月癸亥日丑時世雖貧而心行善提待凡往來客无不平等一夕客重陽日夜渡歸急頓遺百金於舡次日泣而訴其情帥出其封帖如也客頓委一不受又除夕前二日幼婦孤行晚告以渡索一日雪禁無有行者氏無處帥留之而火其衣鬻其食凜然尺寸清冽次日雪愈其人踪絕矣又次日帥忙子應接其父披蓑指竿而渡頗從之至岸而反江風大作舡掀而覆覆矣帥見而忙跳趨于波隨逝隨沒勢着浮梗直至父處深入而負之至崖而力竭矣無如狂瀾者何則帥沒而父亦墮矣帥失賴在復俱沒負之以出如是者三蓋除夕時鬼夜出沒咄咄取替乃帥固一六之精以坎為府沸湧不能俾之殆而向所渡之氏者非他迺自在觀音化身佛也以故父亦無恙第帥已出險方鳴然抱父以泣而數十鬼泣曰余今年當取代無柰為孝子所攘予無輪迴日矣帥聞而鞭之不獲明日又如如是泣陰三教搜神大全四卷十八

風颶比鬼哭慘人兄父以羸弱之質蹈于薄滂之後其災死者屢矣帥不得已以香塵貼于掌中以火薰其上祝于天而

玉帝聞而怜之救為混元帥手執金刀惟天門之出入是命以降陰魔除陽惡秋毫不爽

李元帥

帥諱封乃南海上飛航教也素剛直絕膂力因鄰有不戴天之寃者帥不平而殺之逃于海神廟中遇五鬼咀囑又入曰天神到了也帥曰汝何有知曰子昔奉神龍命愿為除水怪焉當以金刀贈隨于地害取刀而化帥曰異哉亦奇遇也倏爾顯賊牽羊醢醢神帥擒降之跳艘而入啟其中皆美男女珠室等類帥命盡釋之錫金玉遣婦因誓其醜曰女無初往來商宦客無却民間女而專擊倭與叛之民害者聽眾唯此一曰操艇于洋一巨恠翻風捲浪而起帥不知為江豕也曰之豕神命者耶跳浪而刺之涉洋如步沙渚已而黑颶倒旋驚濤騰空飛花濺天中隱逆鱗而刺鬣索嗜而牛鼻身巨如山一尾九火有餘狀如山川之尾蓋鯉也傍子十數尾奇鱗異族交翼如黑雲然帥曰前而非也飛而入立其背直刺而出並戮其子與及其餘風浪頓息若平江焉夜神謝曰文功槎客無涯矣余當白之王帝以酬萬一玉帝乃敕為元帥李先鋒之貶委二將軍為翼帥蓋生於

海神廟



三教源流搜神大全四卷

十九

錦江口隋帝壬午年五月五日午時托胎於李芳之妻孫氏云



劉天君

雜記傳曰帥諱後東晉人也生於岷江漁渡中歲次庚子八月十二日酉時母謝氏取水于江而帥匍匐入于波心得浮槎近傍而濟其父劉福公掉而迎之曰何異也而幸不死適貧送于羅真人為侍讀因精于五雷掌訣招風捉雨隨叩響應濟民助國環堵之民議祀之帥曰是為名也而逃之民書德因壇其宇而脩焚祈祝于其間一如所禱捷于浮鼓繼而東京大旱上蒿目而耳之嗟咨遍編戶焉且曰惟禱于劉君之祠必各所視上從之果訓靈焉時秋大穰帝悅而敕之為玄化慈濟真君焉

王帝而亦以其敕者敕之以掌王府事



王高二元帥

野史傳曰王諱鉄高諱銅王生榕城之南高產薊雍之北二帥各遊仕于中夏而相与遇于羈洛至握手歡焉審其歲皆周厉時壬戌季冬月廿八日晡時遂盟以金蘭不同氣而親若一乳時二帥皆仕于韓王力諫而不聽也欲去之高曰女行塞吾何樂也竟棄之而偕往終不祿焉一日高出也王詢之人曰逕南嶺焉王驚曰虎穴也伊何之以升迎之人止之曰生死以之也直行而若無有狀乃高反而容王之去住人曰為女過南嶺矣王奔之人亦止之曰為予行也而敗後也乃高不過虎而王遇之王曰小重將吾父何之力殺之已而高返王迎之曰吾以女死于虎口高曰非也余覓女路值柳盜跖以為子受擒于彼手刃虎戰而捉之竟言未有獲女也而返二人欣然携手而歸人曰真銅鐵友也凡事多類此王帝以為猛獸不能携其心也遂二帥因封為虎丘長以示訓

三教搜神大全

四卷

二十二

田華畢元帥



田華畢元帥

東鄉間姓田名華者乃正東二七神也雷藏地中寄胎於田間千年石乳鍾氣而生誕時白晝憑空霹靂火光照天風雨驟至帥膝坐大蛇圍其外群蜂哺英以端至長遂因田為田指華為畢脩鍊于瀉瀘岩下時女媧氏五色土補天百計不成帥助木火之精霹靂碎玄精之石髓噓嚔南之氣獻曙鑄之治聲吼天地乃塞天漏又鍊五色火雷風雷陣上助軒轅擊死蚩尤軒轅氏拜以龍師之職即曰余方以外人豈以碌土自損拂衣而隱于華胥之境因名華焉厥至有唐氏十日并出赤土千里眾星官俞以代天工司者帝震怒起滯為天地立心洪爐造命乃奉帝旨駕雷車鞭電施雲路風馳日月秉燭官騎龍尾臣箕翼是時雨暘時為流及漢末妖魔縱橫奸淫百出

王帝封以雷門畢元帥之職敕掌十二雷庭輔

玄天上帝誅瘟役鬼上管天地潦涸下糾群魅出沒中擊不仁不義等輩



三教搜神大全

四卷

二十三

田呂元帥

呂元帥之父乃蒼龍之精帥其子也昔蒼龍為慈濟真君所逐隱入西蜀黃沙洞暗窺龐氏美艾而妻焉半載有寄真君竟至而尤化乃氏亦驚匿於田中真君飛劍指龐氏之腹而胎落固孩身而龍首也爾時雷雨暴至夫謂見龍在田非耶真君既逼其父不忍破其胎以及其子也育撫之因田其姓兩其諱也六歲時送徒于張真人帳下曰侍不倦因表而字之曰全靈自張真人步虛後而帳與天雷令等法不俱焉帥竊觀以心帥之傲錄于紫華山中忽然思身所出之原弗得也老道士識之曰而翁元金之質而母則隴右老嫗而雙瞳是也帥泣負而事之服勞不倦不數載容母所以別父之故乃母云日思之曰此一行也雖而父不法之過而真君以逼父於何處陷母化偶于何歸足恨也自思不報非孝也有恨不洩不武也行而不斷非夫也伊何人斯挾術而劫而父而亦何不替耶李而雪父耻耶遂突起而裂帳為旗折竿為戚噴水為霧擊令為雷惡虛而



行于太虛中遍詢真君行藏正值十二小妖截路空亡帥怒展旗幔于帳已而與戰不鮮
 玉帝親召而帥之曰真君為民除害弗可妖仇也十二空亡不可刃也其與帥釋其恨而愿隨鞭鞭於三界行在以陷妖幔邪元帥之戰因而以左執雷令右執黃旄而上列於負屏之左



黨元帥

帥懷州人澄深精研第貌黑而心不黑內不庇親外不避仇任晉昭察使時留刑無定惟人听入上任見下任奸帥獨平心不照兼以廉明真偽如見奸廷無冤獄下民無怨辭三載中而閭閻之曰黨不黨見五臟案臨籍秉天日黑判官人鬼泣何家宰相民考妣蓋黨其姓黑其貌婦藉者其諱而何其翁之諱也故曰何家宰相母陳氏生帥于元祐丁未年九月丁卯日未時主時人見有二三十兒童旗幟蔽路鼓樂沿堤扛一小兒以來人問之答曰一路福星也享壽九十七

玉帝封之帥以族黎樞掌考校以察天下惡過焉

三教搜神大全

五卷

石帥



石元帥

野錄曰帥相溪人氏諱神毓於周宣王七年三月初四日申時風雨驟至龍掛冥表鄉人號乃父文甫若母韓氏曰阿兒龍種也夫帥性敏爭長遊閨中受業於閨尹子結廬於眉山之陽適當令赤土千里百木黃落麟不得尺水以鼓其氣樵叟輩祖有汗顏相與聚訴于廬曰周子黎民靡有子遺帥愀然不曰愧不能耳彼蠢茲若虺若蛇且以伸蜚揚波吐氣成雲為天下作甘霖奈何含渾而且不及一焉則丘稗而牛唾足恨也抑鬱而思曰昔有萊林之禱何為也哉夫非剪爪髡髮者乎惟誠動天亦弗誠耳遂沐浴更衣明誓于爐薦虔於孟再拜而祝民從之倏雨瀉驟至影地滿三尺殊憶帥之再拜不起而不知其化矣已而行人報曰帥乘馬東行旄儀羽檄族擁百餘謂從者曰為我謝諸而輩也余奉

玉帝敕莫能留耳幸勿予責

上帝封為五雷之長與威福擊伐事

三教搜神大全

五卷



副應元帥

帥性嚴整目不瞬而心匪石不假人顏色幼科不第而苦志厲行於山僻間夜有九尾狐精托幼婉行狀叩扉以入獻百媚以求一盼帥讀而然啓朱唇以求一售帥讀而然次日敲牕低語帥閉戶而已妖以色不迷惟可駭遂幻為魑鈴眼而螺角龍唇而虎口乾柴身巨人履足踏于几手抬于檀火焰眼鼻如噴帥色不變乃坐而言曰女非夜半之所啓門自獻者耶何嚇余耶余豈而嚇者耶遂以所點易之硃以擲之妖斂形作丫環而謝曰君天神也異日天詔為竟察魔帥幸有婢德帥曰女洗而行可矣嬌欽枉而退已而

玉帝降旨迎帥授以金鑑糾邦之賊帥蓋泰山下人氏副賀公之遺脉母歐陽氏萃中嶽之秀而降凡于乾符九年壬寅年壬寅月壬寅日寅時帥別號泰宇

三教搜神大全

五卷

三



槃瓠

槃瓠狗神今長沙武陵蠻之祖廟在盧溪縣之武山按高辛氏有犬戎患募能得大戎吳將軍頭者妻以少女時帝有畜狗名曰槃瓠遂入山啣人首赴闕下果吳將軍頭也帝大喜太槃瓠畜類不可妻欲他報之女聞以為信不可失請行帝不得已從之槃瓠得女負入南山石室中踰三年生六男六女分為六姓藍胡侯盤余竹至今廣福近海有之俗名余客槃瓠宛男女自相婚配母婦以狀白帝使迎置諸子衣裳爛斑言語侏儻其後滋蔓今武陵蠻是也至今土俗不食犬肉廟有威靈也

三教搜神大全

五卷

四

楊元帥



凡帥也楊帥特以地祇授之何曰龍異也何龍異曰以帥能為后祇任耳目也曰手執武士何故曰后祇為方澤承青帝行天道操堅凝以尸其出迎夫迨以尸其入于時為涼於數為逆于氣為藏持肅殺握秋霜惟帥則武力執武士以殺為威擊人之所不能擊此則上帝所以敕帥之意也曰將安効勤曰下察五方之凶穢幽按十二閭君之橫縱陽糾人間園囿之曲直陰鑑海嶽之魑魍為隕府網門之長至巨任也然則帥何脩以至此曰守法耳帥時任漢廷尉長案盜主玩器者以賍寃帝欲廷殺之不聽案以妄倖侮官像者以笞殺帝以賁赦之而不聽案三老中之賍吏者臺臣以勢請之而不顧案故友以撓法離者賄以千金而不瞬目曰汝汚累欲人共分謗耶凡此其大較也夫帥勇力精進允若慈雖與共楊州事察人鬼斷凶頑校牛頭馬首之閑剖岩林水國之藏無不可者然帥生時鄰驚喊有飛虎至者已而楊公家婆徐氏毓帥於庚申年十月十六日亥時焉

高元帥



此則帥諱名彪之意而人豪杰如此

高元帥

帥受炁於始元太乙之精托胎於蒼州高春公家母梅氏甲子年十一月
甲子日子時生下一團火光曜日父母以為怪授之江藥師天尊抱之為
徒貌如冠玉法名員授仙術以遊世凡猿臂腦像神醫破胎出之仙鶴
完頂項鬚以起之虎硬喉以蛇骨化之諸奇症隨手安痊適遇一仙木
樗腹而腰口水水瀝不止帥憐而補之仍以瓊花之露及天合之皮而
孔如天然不意神虫死其中也乃托于人言曰信而術亦大造中之生
人也汝能去病于肘腋隨甲之下以活世耶曰可即制以灸鬼之法以濟
曰東南一古栢女生之乎曰可以現音淨壺耳露滋之而萌生曰西北一
腹裂者女合之乎曰可即去痛之藥調以神水咒易以腹腸蒙以生肌
之散而痊曰今士大夫之家多姪女胎之乎曰可即以紫英陽起等石繼
以寄生神散密推化生神符神虫思無以窮其技者密以金蚕殺氏謂帥
曰今如何夫醫一生即殺數草是活一而枯百也况胎孕乃權于天汝欲
以命扭是未必生而傷一死也汝何能全予托命于抱樗之中彼非有死
機也亦何賴于女而強醫之醫予以死彼未德而余之何仇女亦得以普
濟之仁而無偏耶帥語塞而嘆曰信不能兼也女與娘而醫死諸在亡
感德枯謝之遂和以回生之術而甦之遍遊于方內外生之甚眾
玉帝憫其為仁亦苦矣以為足為帝之心為物造命者遂封以
九天降生高元帥之職

靈官馬元帥



詳老帥之始終凡三顯聖焉原是至妙吉祥化身如來以其威焦火鬼墳
有傷於慈也而降之凡遂以五團火光投胎于馬氏金母而露三眼因諸
三眼靈光生下三日能戰斬東海龍王以除水孽繼以盜紫微大帝金鎗
而寄靈于火魔王公主為兒手書左靈右耀復名靈耀而受業於太惠盡
慈妙樂天尊訓以天書凡風雷龍蛇賊鬼安民之術靡取不精乃授以金
磚三角變化無邊遂奉玉帝勅以服風火之神而風輪火輪之使收百加
聖母而五百火鴉為之用降為龍大王而羽之翼斬楊子江龍而福于民
屢歷艱險至忠也帝授以左印右劍掌南天事至顯也錫以瓊花之宴金
龍太子為之行酒至龍也殊憶太子傲侮怒帥火燒南天關遍敗天將下
走龍宮中戰離婁師曠偕以和合二神仍管金龍以洩其憤至不得已又
化為一包胎而五昆玉二婉蘭共產於鬼子母之遺體又以母故而入地
獄走海藏步靈臺過鄧都入鬼洞戰哪吒竊桃敵齊天大聖釋佛為之

解和至孝也後復入于菩薩座左至慧也玉帝以其功德齊天地而救元帥于玄帝部下寵以西方領以昏下民妻財子祿之祝百叩百應雖至巫家冤枉祈禱之宗悉入其部直奏天門雷勵風行焉



孚祐溫元帥

帥姓溫名瓊字子玉後漢東歐郡人今浙東溫州是也世居白石橋祖宗世隱顯父諱望崇儒學明經中科第廼歛於嗣以為非孝也同妻張氏諱儼字道輝禱於后土時夜夢金甲神持巨斧手托一顆明珠以惠張氏云我乃六甲之神玉帝之將欲寄母胎托質為人母還肯麼張氏諾曰女流無識聖賢顯華何暇方命其神委珠于懷而醒張氏因而含靈一十二月祥雲繞室異香馥座已而誕生於後漢順帝漢安元年辛巳五月五日午時時沐妊姊曰此兒左脇有符文二十四篆右脇有文符十六篆人莫能識已而隱其朱畫乃以其所夢神惠玉環名之曰瓊字子玉幼而神明七歲李步天星十歲通儒經傳子史天文等書靡不通十九歲科第不中二十六歲明經射策亦不中忽然嘆曰男子漢生不致君澤民死當助帝誅奸賊邪以醺吾志遂番偈云孝弟為本忠家為先寬仁容恕立身無偏便脩清淨契合真玄若奉吾道何憂不仙吾隨左右呼召立前辭抑間忽

見蒼龍墮珠于前卧拾而含之流于腹其蒼龍直舞障曰騰金帥扭為環

截尾于手突然幻變面青髮赤藍身猿猛握簡遊衍坐立英毅勇猛因顯

金盟玉字曰有能行吾法誦吾偈者慈惠民物以伐妖精治病驅邪吾當

顯應斯言不忘泰山府君聞其威猛召為佐嶽之神積力陰功受玉帝勅封為元金大神又封為翼靈照武將軍兵馬都部署賜以玉環一握瓊花一朵金牌一面內篆無拘霄漢四篆左手執玉環右手執鉄簡

有事出入天門朝奏又奉帝旨令下五嶽為岳府猛將衆神之宗嶽班之首惟帥能拜金闕巡察五嶽累朝封爵血食於溫州東嘉之民敬而畏之

後王巨宋寧年間有嗣漢三十六代天帥飛清真人張君始持符召之法役用嶽神而得位十太保之列首溫太保之名召之立廟後翼贊云南嶽道士妻若虛奉南嶽鎮秩仙公紫虛元君命書于誌

封

東嶽統兵天下都巡檢五嶽上殿奏事急取罪人案玉皇殿前左元金翊靈照武雷王佑侯溫元帥

朱元帥

帥姓朱諱彥矢法號為肱元昔胎寄於崑崙山頂毓於癸亥年十月癸亥日時乃六氣之精黑靈四時不散而成形藍青其軀垂眉巨眼陰霞為乳吸露為漿既長遂以胎元為袋七人物七日化為鉄水布六氣為六殺神時發陰翳幔空日月無光民無良善並痛其毒天下幾長為混沌世矣爾時王帝惡其民害也捉殺之帥最袋為雄無不為囊中物者命玄天親譴亦不北坎比軀之故而莫能近蓋惡氣逼人太清助以逍遙扇以扇其妖氛命謝天君以火德星入其囊以燒其囊帥無能為也帝獲以劍指之曰汝能從我遊無以過及人也獨於不信道法者以之慮囊中焉以警將來吾能受汝元帥之戕以察詆侮聖賢帥唯受戒乃左金鎚右皂袋而威顯



張元帥

山東寧海縣有張姓名純帥乃父也母黃氏夢金甲神而生帥因名健誕於則天癸卯歲八月癸卯日酉時帥幼而聰俊長而神清貌似靈官美髯精鑒史由科第官至刺史深諳人間事耳所政口辨冤筆會禁立斷而民不冤焉且仁直剛義時上鍾意於年少俊士詔貢以千計選應連花不給之役帥恥之以時多痘疫無中選者報國人賴以安焉作生祠而祀之王帝以為不曲不阿忠之屬也且才辨于給健之屬也直以飛捷報應之取帥之以共天門寄心警又褒以盡忠錫以瘟捷加以二即金盃以兼理痲痘役專以保童為司命之官也作福者詳之



辛興苟元帥

三教搜神大全

五卷

十三



古雍州界地有神雷山至驚蟄時雷氣發揚于二月為卯於令為震雷門
布鼓之神威氣閃赫無物不折至夏秋雷藏地中作鷄狀入于鈴岩內皆
八月雍氏新姓名興者字震宇母張氏家貧賣薪以養母至慙苦一日往
雷山采薪計值出岩中成鷄形者五帥喜心曰可為進膳資耳竟獲以歸
進之母適鋪掇內衣授之納于鷄柵者四隨以內衣覆其上而欲烹其
一神鷄作人言曰予雷耳不可啖也乞宥一割之恩姬弗允則雷霹靂而
起母破膽昏跪焉帥賣薪携醴以入抱母屍而哭曰子何極也抑至此和
乃拭淚目其背有金痕曰混一之氣青帝之英威令所加莫予敢撓譬惡
誅邪惟吾司命乃知雷也蓋泣而訴之吳曰母非惡非邪也胡不以殛邪
而殛母耶矧有天下之為惡者鷄名也遂並柵之雷鷄而撻之乃雷為內
衣所掩竟不能震第莫為碎耳英氣冲虛而電兩風霾交至欲下擊狀哀
其為母故而憐之遂變為道士進而揖曰孝子獨不畏雷而反制雷吾雷

神誤以傷而母而母以怨也余等愿惟而所命以謝厥罪因奉十二火冊
啖之帥遂易形妖其頭喙其嘴鼻其兩肩左尖右槌脚踏五鼓而昇化母
屍而去天帝感其至孝也迎而封之為
雷門苟元帥與畢帥共五方事往來行天剪幽明中邪魔鬼惡

鐵元帥

三教搜神大全

五卷

十四



鐵元帥

維殷末世魔王現世負靈者胎生版蕩于中華恣毒者以幻化擒賊于谿谷出沒盤結妖帳太虛玉帝聞太乙真人奏詔六丁入胎於石城顏氏之夢有母無父因以鐵為姓而頭其名生于商辛丙午年五月七日寅時帥幼而武勇氣排山岳膽落天地力倒九牛殺殺為兔于水穎之陽降火馬于陰山之北鐵魔鬼于野火廟中擒妖狐于紫虛樓下浮江亂河截靈蛇玄龜于涿混之渚玄帝方以坎離二業故而闢雲于九天之下正值帥之勇推山海乃踏龜蛇邀帥步虛以同昇封為猛烈元帥分任玄冥之寄矣

三教搜神大全

五卷

十五

太歲



太歲殷元帥

帥者紂王之子也母皇后姜氏一日后遊宮園見地巨人足跡后以足踐之而孕降生帥也肉袒包裸其時生下被王寵愛妃名妲己冒奏王曰正宮產怪王命棄之狹巷牛馬見而不敢踐其體王又命投之于郊為鴉蔽日白鹿供乳適金鼎化身申真人經過但見祥雲謁上紫氣騰上毫光四起真人近而視之乃一肉袒曰此仙胎也將剖剖得一嬰兒即抱歸水瀦洞求乳母賀仙姑哺而育之法各金叮囑正名金哪吒又緣其棄郊之故而乳名殷郊年將七歲同乳母後園遊詭母曰汝非吾子乃紂王子因听信偏妃妲己之言將汝為妖汝母墜樓而死帥感泣竟見真人具道欲報殺母之仇真人曰吾兒年幼不可去也帥堅請去真人曰汝果有此愿力報母亦孝思也但即往天妃八室洞中取何宝物為使方可前去帥往取黃鉞金鐘而見真人曰取此何也答曰此物好誅妖昏是時真人口中不語臉帶微笑意許如此只恐年幼不能奮力令往取兵書訓汝先乘海馬下山收二強人為副帥領命即收賢神鴉將帶歸見真人又命再往掃帚山收得十二強人方可征商帥不知強弱乃十二喪門哭鬼骷髏神帥即往盡戮之懸首掛頸胸而回真人曰此骨非他也能助陣一敲鬼哭神驚人頭昏悶手軟不戰自退於是帥助武王而伐紂至牧野率雷震等前鋒顯威殺商王前徒倒戈自戮血流標杆當先趕至摘星樓上正值妲己元是妖雉亡國日迷主精夜吃人血後見紂敗欲顯聖化去被帥威嚇欽形擒見周王命戮妲己大挺妖容炫目無忍殺者帥抱忠憤孝義不荒於色劈斧誅之妖散光化道黑烟而沒

至帝聞有孝義之思又有斬妖之勇遂召勅封地司九天遊奕使至德太歲殺伐威權殷元帥

三教搜神大全

五卷

十六



斬鬼張真君

公姓張名巡妻劉氏妾柳氏唐玄宗時進士出身官拜睢陽令遭安祿之
 變史思明寺疊天亂四郊版蕩公負孤城臨應變不依古法前後三百
 餘戰百戰百克保陣軍中器械無一不取之敵者第公性剛烈每策發髮
 豎齒落則見其始以背城奪旗鼓繼以艾蒿殺思明收萬矢於東草出奇
 之際聲威武于坐食野戰之場明忠義於泣廟之餘識人倫於天道之頃
 知將令於雷將軍之時堅志于殺妾蒸骸之表洩貞義於厲鬼殺賊之
 詞至今齊將軍噓指于鄰以示信諸軍伍羅雀多鼠木食而不携然不屈
 于畔逢之通罵不跪於鋸解之吁嗟堅貞凜冽曜天射日真古天地一孤
 忠哉後唐宋歷封為
 室山忠靖景佑福德真君

三教搜神大全 五卷 十七



康元帥

帥負龍馬之精而生於黃河之界父康衢母金氏毓時仁皇炎德九年庚
 申戊寅月庚辰日戊寅時帥生而慈惠不傷胎不折天不虐孤寡不履生
 氣雖盛頑蠢動而垂矜者不輕殺焉食以殘紅飲以醇漿時有鵲雛為隼
 所得折翼而下卧收而哺之後鵲含長生章而報公之鄰里蒼生之士處
 以病者四方謂之能仁聲聞于天二帝亦以民之所稱者封之曰
 仁聖元帥以掌四方都社令焉帥乃左執金斧右執瓜鉞與王璽相周旋

三教搜神大全 五卷 十八



三教搜神大全

五卷

十九

風火院田元帥

帥兄弟三人孟田為留仲田洪義李田智彪父諱鐫母姓刁諱春喜乃太平國人氏唐玄宗善音律開元時帥承詔樂師典音律猶善于歌舞鼓一擊而桃李甲笛一奏而响遏流雲韻一唱而紅梅破綻絃一調而底明風起以教王奴花奴盡善歌舞後侍御宴以酣帝墨塗其面令其歌舞大悅帝顏而去不知所出後緣帝母感慈瞋目問則帥三人翩然歌舞聲交競瑟絃索手已而神爽形怡汗焉而醒其病起矣帝悅有海棠春醒高燭照紅之句而封之侯爵至漢天帥因治龍宮海藏疫鬼徬徨作法治之不得乃請教于帥帥作神舟統百萬兒郎為鼓競奪錦之戲京中譁噪疫鬼出覲助天師法斷而送之疫患盡銷至今正月有遺俗焉天師見其神異故立法差以佐玄壇勅和合二仙助顯道法無和不合無願恙不解天師保奏

唐明皇帝封冲天風火院田太尉昭烈侯



三教搜神大全

五卷

二十

田二尉昭佑侯 田三尉昭寧侯
 聖父嘉濟侯 聖母刁氏縣君
 三伯公昭濟侯 三伯婆今夫人
 金花小姐 梅花小娘
 萬回聖僧 和事老人
 都和合潘元帥 天和合梓元帥
 斗中揚耿二仙使者 送喜報夢孫喜
 十蓮橋上橋下棚上棚下歡喜耍笑歌舞紅娘粉郎聖眾
 岳陽三部兒郎百萬聖眾云々

孟元帥

帥有姓孟名山者仁義孝慈萬古不磨至今實人心愿者現其為獄官釋囚一事足下其槩夫因法所不貸至不可以信義感易知也帥以殘冬思親動關門數百之泣皆切慕親曰而獨無母乎無相見也帥哀其懷膝下想遂泣與囚約囚亦泣與帥約至今冬廿五日而釋求正月初五而還果不爽一焉帥遂以為例焉久之私心謂曰囚何斯乃一念思親孝也信而四時義也既信義孝且義可語善矣因戲之曰倘赦行女等復善麼囚泣曰誰而死心耶等輩一悞安肯再悞第所謂囚人虛談耳帥曰汝改慮余所釋之囚泣曰是閻王殿上輪迴耳第予去君奚以脫等以汝活汝且以等死等活不如死帥曰以一死活百人之命何慮焉衆囚皆泣曰君何辜吾死分也夫君寬待以親而親思莫加焉又為出死以重厥罪夫螻蟻惟貪生亦奚忍其心至此乎不為也一囚久泣曰君言此徒令人心骨悚耳帥曰真言哉囚咽哽而言曰君母為然只此言令人碎身難報也帥聞之亦三教搜神大全

五卷

涕曰子自有脫計幾問之帥曰勿問囚曰誠而全愿听甚勿自苦也皆拜之各漸去而去最祝之曰愿天相吉人無為縲且世其昌乎不意府主滕公知而答叱之曰八百囚缺一無生還也謹之捕焉帥思曰死何怨第復命難矣躊躇久刺鎗于室自殺凡三踴躍而白兔三倒其鎗忽龐眉者曰上有敕帥恒為府君命也急而出則車馬旗士引焉遂拜

王帝敕為鄴都元帥遂後於其帽上加瓊花一朵時帥尚未釋其鎗于手即加黃龍鎗焉乃知封也事聞于府時大府亦申文于上乃

趙國初亦像其廟而加以將軍號焉並贊之曰將軍卒廣西之靈仗義考生八百之蒼黎感諸奴考盡面以從新義被一方考皆可封之餘馨快厥行考廣哉乎于空國厥父其浩考亦積善之苗裔母郭氏考紹太奴之徽音昭彼行考以彌萬人凡吾民考無入于微微生于戊申八月十二日而沒于庚辰冬也謹并其始終以錄

慧遠禪師

釋慧遠本姓賈氏鴈門樓煩人也弱而好書年十三隨舅令狐氏遊學許洛故少為諸生博綜六經尤善莊老性度弘偉風鑒明拔雖宿儒英達莫不服其深致年二十一欲度江東就范宣子共契值石虎已死中原寇亂南路阻塞志不獲從時沙門釋道安立寺於太行恒山弘讚像法聲甚張聞遠遂往歸之一面盡敬以為真吾師也後聞安講般若經豁然悟便與弟慧持投簪落髮委命受業既入乎道厲然不群常欲總攝綱維以大法為己任精思諷持以夜續晝晝資旅無資緼縕常關而昆弟恪恭終始不懈有沙門曇翼每給以燈燭之費安公聞而喜曰道士誠知人矣年二十四便就講說嘗有客聽講難實相義往復移時彌增疑昧遠乃引莊子義為連類於惑者曉然其後安公特聽慧遠不廢俗書安有弟子法遇曇徽皆風才照灼志業清敏並推服焉後隨安公南遊樊沔偽秦建元九年秦將苻平寇并襄陽道安為朱序所拘不能得去乃分遣徒衆各隨所之



皆被誨約遠不蒙一言遠乃跪曰獨無訓最懼非人側安曰如汝者豈復相慶遠於是與弟子數十人南適荊州住上明寺後欲往羅浮山及居潯陽見廬峰清淨足以息心始往龍泉精舍此處去水本遠遠乃以杖扣地曰若此中可得栖立當使朽壤抽泉言畢清流涌出浚成溪其後少時潯陽亢旱遠詣池側讀海龍王經忽有巨蛇從池上空湧更大雨遂以有年因號精舍為龍泉寺焉陶侃鎮廣州有漁於海中見神光每夕豔發經旬彌盛怪以白侃侃往詳視乃是阿育王像即接歸以送武昌寒溪寺寺主僧環嘗往夏口夜夢寺遭火而此像屋獨有龍神圍遶環覺馳還寺寺既焚盡唯像屋存焉侃後移鎮以像有威靈遣使迎接數十人舉之至水及上船船又覆使若懼而反之竟不舐獲及遠創寺既成析心奉請乃飄然自輕往還無梗於是率衆行道昏曉不怠釋迦餘化於斯復興自遠卜居廬阜三十餘年影不出山迹不入俗每送客遊履當以虎溪為界以晉義熙十二年八月初三卒春秋八十三



鳩摩羅什禪師

鳩摩羅什此云童壽天竺人也善經律論化行於西域及東遊龜茲立龜茲王為造金師子座以處之時符堅僭號關中關外國前却王及龜茲王弟並來朝堅堅引見二人說堅云西域多產珍奇請冥往定以求內附至堅建元十三年正月太史奏云有星見外國分野當有大德智人入輔中國堅曰朕聞西域有鳩摩羅什將非此耶即遣使求之至十八年九月堅遣驍將呂光率兵七萬西伐龜茲臨伐堅餞光於建章謂曰夫帝王應天而治以子愛蒼生為本豈貪其地而伐之正以懷道之人故也朕聞西域有鳩摩羅什深解法相善開陰陽為後李之宗朕甚思之賢哲者國之大寶若尅龜茲即馳驛送什光軍未至什謂龜茲王白結曰國運衰矣當有勍敵從東方來宜恭承之勿抗其鋒純不從而戰光遂破龜茲殺純立純弟震為主光既獲什載與俱還中路置軍於山下將士已休什曰不可在此必見後俱宜從軍隴上光不納是夜果大雨洪潦暴起水深數丈死者數千光始密而異之什謂光曰此凶亡之地不宜淹留推遷揆應速言歸中路必有福土可居光從之至涼州聞符堅已為姚萇所害光三軍縞素大臨城南於是竊號關外年稱大安二年正月姑臧大風什曰不祥之風當有奸叛然不勞自定也俄而梁冀彭晃相繼而反尋亦殄滅至光龍飛二年張掖臨松澗水胡沮渠男成及弟蒙遜反推建康太守段業為主遣庶子秦州刺史大原公纂率衆五萬討之時論謂業時鳥合纂有威聲勢必全尅光以訪什什曰觀察此行未見其利既而纂敗績於合黎俄又郭馨城昆作亂纂委大軍輕還為馨所敗僅以身免光中書監張資文章士光甚器之資病光廣求救療有外國道又自云能差資疾光喜給賜甚重什知又言詐告資曰又不能為徒煩費耳冥運雖隱可以事試也乃以五色絲作繩結之燒為灰以投水中灰若出水還成繩者則疾難愈頃更灰聚浮出復繩本形既又治無效次日資亡頃之光又卒子紹襲位數日光無子纂殺紹自立稱元成寧咸寧二年有猪生子一身三頭龍出東廂井中到殿前蟠卧比旦失之纂以為美瑞號大駁為龍翔殿俄而

有黑龍升於當陽九宮門號為龍興門什奏曰此日潛龍出遊豕妖表異龍者陰類出入有時而今屢見則為災生必有下人謀上之變宜冠已修德以答天戒纂不納與什傳戲殺恭曰斯胡奴頭什曰不能斯胡奴頭胡奴將斯人頭此言有旨而纂終不悟光弟保有子名超超小字胡奴後果殺纂斬首立其兄隆為主時人方驗什之言也什傳涼積年呂光父子既不弘道教故蘊其深鮮無所宣化符堅已亡竟不相見及姚萇有閩中亦挹其高名虛心要請呂以什智慧神解恐為襄助不許東入及萇卒子興襲位復遣敦請弘始三年三月有樹連理生于廟廷甚茂漸變為莖以為美瑞謂智人應入至五月興遣龍西公碩德西伐呂隆隆軍大破至九月隆上表歸降方得迎什入閩以其年十二月二十日至長安與待以國師之禮甚見優寵初杯度比丘在彭城聞什在長安乃歎曰吾與此子戲別三百餘年杳然未期遲有遇於來生爾什未終少日覺四大不寧乃口出三番神呪令外國弟子誦之以自救未及致力轉覺危殆於是力疾與衆僧告別曰因法相遇殊未盡心方復後世惻愴何言自以闇昧謬克傳三教搜神大全 五卷 二十五

譯凡所出經論三百餘卷惟十誦一部未及刪繁存其本旨必無差失願凡所宣譯流傳後世咸共弘通今於眾前發誠實誓若所傳無謬者當使焚身之後舌不焦爛以弘始十一年八月二十日卒于長安是歲晉義熙五年也即於逍遙園依外國法以火焚屍薪滅形碎惟舌不灰爾 總釋本缺失此半等據明釋藏城字號永樂御製神僧傳補

三教搜神大全

佛陀耶舍禪師

六卷



佛陀耶舍此云覺名屬賓人婆羅門種世事外道有一沙門從其家乞食其父怒使人打之父遂手腳攣變不能行止乃問於巫師對曰坐犯賢人鬼神使然也即請此沙門竭誠懺悔數日便瘳因令耶舍出家為其弟子時年十三常隨師遠行於曠野逢虎師欲走避耶舍曰此虎已飽必不侵人俄而虎去前行果見餘殞師密異之至年十五誦經日記二三萬言所住寺常於外分衛廢於誦習有一羅漢重其聰敏恒乞食供之至年十九誦大小乘經數百萬言年二十七方受具戒後至沙勒國時國王不豫請僧齋會太子見而悅之請置宮內供養羅什後至復從舍受學甚相尊敬後羅什往龜茲為呂光所執舍傳十餘年乃東適龜茲法化甚盛時什在姑臧遣使要之欲去國人留之停歲許後語弟子云吾欲尋羅什可密裝衣發勿使人知弟子曰恐明日追至不免復還耳耶舍乃取清水一鉢以藥投中呪數十言與弟子洗足即便夜發比至旦行數百里問弟子曰何

所覺耶答曰唯聞疾風之響眼中淚出耳耶舍又與呪水洗足住息明日
 國人追之已差數百里不及行達姑臧而什已入長安聞姚興逼以妾媵
 勸為非法乃歎曰羅什如好綿何可使入棘林中什聞其至姑臧姚興
 迎之興未納頃之興命什譯出經藏什曰夫弘宣法教宜令文義圓通資
 道雖誦其文未善其理唯佛陀耶舍深達函致今在姑臧願詔徵之一言
 三詳然後著筆使微言不墜取信千載也興從之即遣使招迎厚加贈遺
 悉不受乃笑曰明旨既降便應載馳檀越待士既厚脫如羅什見處信未
 敢聞命使還具說之興歎其慎重至長安興自出候問別立新省於逍遙
 園中四事供養並不受時至分衛一食而已耶舍先誦曇無德律偽司隸
 校尉姚爽請令出之乃試耶舍令誦羌籍藥方可五萬言經一日執文覆
 之不誤一字眾服其強記即以弘始十二年譯出四分律凡四十四卷并
 出長阿含等涼州沙門竺佛念譯為秦言道舍筆受至十五年解座興賜
 耶舍布絹萬匹悉不受道舍佛念布絹各千匹各德沙門五百人皆重賜
 施耶舍後辭還外國至罽賓得虛空藏經一卷寄賈客傳與涼州諸僧終
 三教搜神大全



曇無竭禪師

釋曇無竭此云法勇姓李氏幽州黃龍人幼為沙彌便修苦行持戒誦經
 為師僧所重嘗聞法顯等躬踐佛國乃慨然有忘身之誓遂以宋永初元
 年招集同志沙門僧猛等共費楮蓋供養之具遠適西方初至河南國仍
 出海西即入流沙到高昌郡經歷龜茲沙勒諸國登慈嶺度雪山進至罽
 賓國禮拜佛鉢傳歲餘學梵書梵語求得觀世音受記經梵文一部復西
 行至辛頭那提河緣河西入月氏國禮拜佛肉髻骨及觀自沸水船後至
 檀特山南石雷寺住僧三百餘人維三乘學無竭停此寺受大戒復行向
 中天竺界路既空曠唯費吞蜜為糧雖屢經危棘而繫念所貴觀世音經
 未嘗變廢將至舍衛國中野逢山象一群無竭稱名歸命即有師子從林
 中出象驚惶奔走後度恒河復值野牛一群鳴吼而來將欲害人無竭歸
 命如初尋有大鷲飛來野牛驚散遂得免之後於南天竺隨船汎海達廣
 州其所譯出觀世音受記經今傳于京師後不知所終
 三教搜神大全



佛駄跋陀羅禪師

佛駄跋陀羅此云覺賢本姓釋氏迦維羅衛人甘露飯王之苗裔也幼喪父母從祖鳩婆利聞其聰敏兼悼其孤露乃迎還度為沙彌至年十七與同學數人俱以習誦為業無省一月賢一日誦畢其師歎曰賢一日敵三十夫也及受具戒修業精勤博學經多所通達少以律律馳名常與同學僧伽達多共遊蘭闍同處積載多雖服其才明而未測其人也後於密室閉戶坐禪忽見賢來驚問何來答云暫至兜率致敬彌勒言訖便隱達多知是聖人未測深淺後屢見賢神變乃敬心祈問方知得不還果常欲遊方弘化備觀風俗會有秦沙門智嚴西至蘭闍觀法衆清淨乃慨然東顧曰我諸同輩斯有道志而不過真匠發悟莫由即諮詢國最孰能流化東土僉云佛駄跋陀其人也嚴既要請苦至賢遂愍而許焉於是捨衆辭師裹糧東遊步驟三載綿歷寒暑既度悉嶺路經六國國主矜其遠化並傾懷資奉至交趾乃附船循海而行經一島下賢以手指山曰可止於三教搜神大全 卷六

此船主曰客行惜日調風難遇不可停也行二百餘里忽風轉吹船還向島下衆人方悟其神咸師事之聽其進止後遇便風同侶皆發賢曰不可動船主乃止既而有先發者一時覆敗後於闇夜之中忽令衆船俱發無肯從者賢自起收纜唯一船獨發俄爾賊至番者悉被擄害頃之至青州東萊郡聞鳩摩羅什在長安即往從之什大忻悅共論法相振發玄微多所悟益時秦主姚興專志佛法供養三千餘僧並往來宮闕盛修人事唯賢守靜不與衆同後語弟子云我昨見本鄉有五船俱發既而弟子傳告外人關中舊僧咸以為顯異惑衆僧道恒等謂曰佛尚不聽說已所得法先言五船將至虛而無實又門徒誑惑互起同異既於律有違理不同止宜可時去勿得停蓄賢曰我身若流萍去留甚易但恨懷抱未伸以為慨然耳於是與弟子慧觀等四十餘人俱發神志從容初無異色識真之衆咸共歎惜道俗送者千有餘人姚興聞去悵快乃謂道恒曰佛賢沙門挾道來遊欲宣遺教誠言未吐良用深慨豈可以一言之咎令萬夫無導因勅令追之賢謂使曰誠知恩旨無預聞命於是率侶宵征南指廬岳沙門

釋慧遠久服風名聞至欣喜傾蓋若舊遠以賢之被擄過由門人若懸記五船止說在同意亦於律無犯乃遣弟子墨客致書姚主及關中衆僧解其擄事遠乃請出禪數諸經賢志在遊化居無求安住山歲許復西適江陵遇外國船主既而訊訪果是天竺五船先所見者也傾境士庶競來禮事其有奉施悉皆不受持鉢分衛不問豪賤時陳郡袁豹為宋武帝太尉長史宋武南討劉毅豹隨府屈于江陵賢將弟子慧觀詣豹乞食豹素不敬信待之甚薄未飽辭退豹曰似未足且復少留賢曰檀越施心有限故今所設已罄豹即呼左右益飯飯果盡豹大慙赧既而問慧觀曰此沙門何如人觀曰德量高遠非凡所測豹深歎異以啓太尉太尉請與相見甚崇敬之資供備至俄而太尉還都請與俱歸安止道場寺以元嘉六年卒春秋七十有一



杯渡禪師

杯渡者不知姓名常乘木杯渡水人因目之初在異州不修細行神力卓越世莫測其由嘗於北方寄宿一家家有一金像渡竊而將去家主覺而追之見渡徐行走馬逐之不及至于孟津河浮木杯於水憑之渡河不假風棹輕疾如飛俄而及所達于京師見時可年四十許帶索繼縷殆不蔽身言語出沒喜怒不均或嚴冰叩凍洗浴或著履上山或徒行入市唯荷一蘆圖歸子更無餘物嘗從延賢寺法意道人處意以別房待之後欲往瓜步江於江側就航人告渡不肯載之復累足杯中顧盼言詠杯自然流直渡北岬向廣陵遇村舍李家八關齋先不相識乃直入齋堂而坐置蘆圖於中庭衆以其形陋無恭敬之心李見蘆圖當道欲移置牆邊數人舉不能動渡食竟提之而去笑曰四天王李家于時有一豎子窺其圖中有三小兒並長數寸面目端正衣裳鮮潔於是追覓不知所往後數日乃見在西界象龍樹下坐李禮拜請還家百日供養渡不甚持齋飲酒噉肉至三教搜神大全 卷六

於辛繪與俗無異百家奉上或受不受沛國劉興伯為兖州刺史遣使要之負圖而來興伯使人舉視十餘人不勝伯自看唯見一敗衲及一木杯後還李家復得二十餘日清旦忽云欲得一袈裟中時令辦李即經營至中未成渡云暫出至暝不返合境聞有異香疑之為怪處覓渡乃見在北巖下數敗袈裟於地卧之而死頭前脚後皆生蓮華極鮮香一久而萎邑共殯葬之後數日有人從北來云見渡負蘆圖行向彭城乃共開棺殯履存焉既至彭城遇有白衣黃欣深信佛法見渡禮拜請還家至貧但有麥飯而已渡耳之怡然止得半年忽語欣云可覓蘆圖三十六枚吾須用之答云此間止可有十枚貧無以買恐不盡辦渡曰汝但檢覓宅中應有欣即窮檢果得三十六枚列之庭中雖有其數亦多破敗比欣次第熟視皆已新完渡密封之因語欣令開乃見錢帛皆滿可堪百許萬識者謂是杯渡分身他土所得賜施廻以施欣欣受之皆為功德經一年許辭去欣為辦糧食明晨見糧食具存不知渡所在後東遊入吳郡路見釣魚師因就乞魚魚師施一饒者渡手弄弄反覆還投水游活而去又見網師更從

乞魚網師願罵不與渡乃拾取兩石子擲水中俄而有兩水牛闌其網中網既碎敗不復見牛渡亦已隱行至松江乃仰蓋於水中乘而渡岬經涉會稽剡縣登天台山數月而返京師少時遊止無定請召或往不往時南州有陳家頗有衣食渡往其家甚見迎奉聞都下復有一杯渡陳父子五人咸不信往都下看之果如其家杯渡形相一種陳設一合簞簞及刀子薰陸香手巾等渡即食簞簞盡餘物宛在膝前其父子五人恐是其家杯渡即畱二弟停都守視餘三人還家家中杯渡如舊膝前亦有香刀子等但不嗽蜜簞為異爾乃語陳云刀子鈍可為磨之二弟還都云彼渡已移靈鷲寺一日忽求黃紙兩幅作書書不成字合同其背陳問上人作何券書渡不答竟莫測其然時吳郡民朱靈期使高麗還值風船飄經九日至一洲邊洲上有山甚高大入山採薪見有人路靈期乃將數人隨路告乞行十餘里聞聲聲香煙於是共稱佛禮拜須臾見一寺甚光麗多是七寶莊嚴又見十餘石人乃共禮拜還及行少許聞唱道聲還住更看猶是石人靈期等相謂此是聖僧吾等罪人不能得見因共竭誠懺悔更往三教搜神大全 卷六

乃見真人為靈期等設食食味是菜而香美不同世食竟共叩頭禮拜乞速還至鄉有一僧云此間去都乃二十餘萬里但令至心不憂不速也因問靈期云識杯渡道人否答言甚識因指北壁有一壺掛錫杖及鉢云此是杯渡住處今因君以鉢與之并作書著函中別有一青竹杖語靈期云但擲此杖置舫前水中開船靜坐不假勞力必令速去於是辭別令一沙彌送至門上語云此道去行十里至船不須從先路去也如言西轉行七里許至船即具如所示唯開舫從山頂樹木上過都不見水經三日至石頭誰而住亦不復見竹杖所在舫入淮至朱雀乃見杯渡騎大航蘭以捶捶之曰馬馬何不行觀者甚多靈期等在舫遙禮之渡乃自下舫取書并鉢開書視之字無人識者渡大笑曰使我還耶取鉢擲雲中還接之曰我不見此鉢四千年矣渡多在征賢寺法意處時世以此鉢異物競往觀之有便常婢偷物而叛四追不擒乃問杯渡云已死在金城江邊空塚中往音果如所言孔窻子時為黃門侍郎在家患痢遣信請渡渡呪竟云難差見有四鬼皆被傷截斷子泣曰昔孫恩作亂家為軍人所破二親及叔皆

被痛酷窮子果死又有齊諧妻胡氏病瘵治不愈後請僧設齋齋座有僧勸迎杯渡既至一呪病者即愈齊諧伏事為師因作傳記其從來神異不可備記元嘉三年九月辭詣入東甯一萬錢物寄諸債為營齋於是別去行至赤山湖患病而死詣即為營齋并接屍還建康覆舟山至四年有吳興邵信者其奉法遇傷寒病無人敢看乃悲泣念觀音忽見一僧來云是杯渡弟子語云莫憂家師尋來相看答云渡死已久何容得來道人云來復何難便衣帶頭出一合許散與服之病即差又有杜僧哀者住在南崗下昔經伏事杯渡兒病甚篤乃思念恨不得渡與念神呪明日忽見渡來言語如常即為呪病者便愈至五年三月渡復齊諧家呂道惠聞而視之杜天期也須臾門上有一僧喚渡便辭去云貧道向交廣之間不復來也齊諧等拜送慇懃於是絕迹頃世亦言時有見者一日見形洛水上眾皆大驚語丘熙等年當大凶可勤修福業法意道人甚有德可往就之脩立故寺以懷災禍



寶公禪師

沙門寶公者嵩山高樓士也旦從林慮向白鹿山因迷失道日將隅中忽聞鐘聲尋響而進嶺岫重阻登陟而趨乃見一寺獨據深林三門正南赫奕輝煥前至門所看額靈隱之寺門外五六犬其大如牛白毛黑喙或踴或卧迴眸盼寶公寶公將返頃更見胡僧外來寶公不應亦不迴顧直入門內犬亦隨入良久寶公見人漸次入門屋宇四周房門並閉進至講堂惟見床榻高座儼然寶公入西南隅床上坐久之忽聞東間有聲仰恍見開孔如井大比丘前後從孔飛下遂至五六十人依位坐訖自相借問今日齋時何處食來或言豫章成都長安龍右薊北嶺南五天竺等無處不至動即千萬餘里末後一僧從空而下諸人競問來何太遲答曰今日相州城東彼岫寺鑒禪講會各各暨義有一後生聰俊難問詞音鋒起殊為可觀不覺遂晚寶公本事鑒為和尚既聞此語望得衆話因整衣而起白諸僧曰鑒是寶和尚諸僧直視寶公頃之已失靈隱寺所在寶公獨於柞木之下一無所見唯觀巖谷禽鳥翔集喧亂及出山以問尚統法師尚曰此寺石趙時佛圖澄法師所造年歲久遠賢聖居之非凡所住或沉或隱遷徙無定今山行者猶聞鐘聲


智琛禪師



釋智琛俗姓張氏清河人年二十二親俱逝染疾經歲月醫藥無効夢神就瑛身次第吸嗽三夜稍痊遂求離俗聞智者執行超群為世良導即泛舸豐流直指台岫伏膺受道乃遣行法華懺悔第二十七日初夜懺訖還就禪床如欲安坐乃見九頭龍從地湧出上昇虛空明旦諮白智云此是表九蓮衆生聞法華經將來之世破無明地入法性空爾陳至德四年住寶林寺行法華三昧初日初夜如有人來搖動戶扇瑛問之汝是何人夜來搖戶即長聲答云我來看燈爾頻經數過問答如前其寺內先有大德慧成禪師夜且聞之謂弟子曰彼堂內從來有大惡鬼今聞此聲必是鬼來取人也天將欲曉成師扣戶而喚瑛未暇得應便繞堂唱云吾哉吾哉其人了矣瑛即開戶問意答云汝猶在耶吾謂昨夜鬼已害汝故此嗟耳第二日夜鬼入堂內捷壁打柱周遍東西堂內六燈瑛即滅五留一行道坐禪誦經坦然無懼於三十七日

事恒如此行法將見一青衣童子稱讚言已不見以貞觀十二年卒于寺

大志禪師



僧大志會稽碩氏子發家出家師事天台智者智者見其形神洒落高放物表取名大志誦法華經索然閑靜音聲清轉聰者忘疲後於廬山甘露行頭陀行有時投身猛獸彼皆避去食粒若盡惟以餅果繼命而已如是七載禪誦不休晚住持福林寺會大業中屏除佛教慨大法陵遲遂衣著孝衣於佛堂中慟哭三日擔捨形骸申明正教即往東都上表曰願陛下興隆三寶貧道當然一辭於嵩岳用報國恩帝許之遂設大齋士衆通集師絕糧三日登大棚中布裹其辭濯之以蠟如炬燃之光照巖岫晃然大明衆見苦行痛入心髓而志形色不變或誦經文或讚佛德或為衆說法聲聲不絕燒已下棚踰趺入定七日而卒

玄奘禪師



釋玄奘本名姓陳氏洛州緱氏人也奘失怙恃少罹窮酷隨兄長陳法
師住靜土寺授以精理旁兼巧論年十一誦維摩法華東都恒度便預其
次自爾卓然梗正不偶欲慕大法後達長安住莊嚴寺又非本望西踰劔
閣既達蜀都受諸經論一聞不忘武德五年二十有一為諸學府雄伯沙
門講揚心論不窺文相而誦注無窮時曰神人後又遍遊荆揚等州訪諸
道隣復還京輦廣就諸蕃偏學書語行坐尋授數日博通惟候機會貞觀
三年會次下教道俗隨豐四出由斯得往西域取諸經像行至罽賓國道
險虎豹不可過奘不知為計乃鎖房門而坐至久開門見一老僧頭面瘡
瘻身軀膿血牀上獨坐莫知由來奘乃禮拜勤求僧口授多心經一卷令
奘誦之遂得山川平易道路開通虎豹藏形魔鬼潛跡遂至佛國取經六
百餘部以貞觀十九年還京師下教令住玉華翻譯經藏奘生常已來願
生彌勒及遊西域又聞華著兄弟皆生彼天又頻祈請咸有顯證後至玉

華但有隙穴無不發頭麟德元年告翻譯僧及門人曰有為之法必歸磨
滅泡影形質何得久停行年六十五必卒玉華於經論有疑者今可速問
聞者驚異師曰此事自知遂往辭佛及諸僧眾既臥疾常見大蓮花鮮白
而至又見佛相命僧讀所翻經論名目已終有七十三部一千三百三十
卷自懷欣悅總召門人有緣並集云無常將及急來相見於嘉壽殿以香
木樹菩提像骨對寺僧辭訣并遺表訖便默念彌勒右脇累足右手支頭
左手膝上堅然不動氣絕神逝兩月色貌如常乃瘞於白鹿原初奘將往
西域於靈岩寺見有松一樹奘立於庭以手摩其枝曰吾西去求佛教汝
可西長若吾歸即却東迴使吾弟子知之及去其枝年年西指約長數丈
一年忽東迴門人弟子曰教主歸矣乃西迎之奘果還至今眾謂此松為
摩頂松



元珪禪師

釋元珪姓李氏伊闕人大通禪要深入玄微下廬于嶽中龐焉時有義冠者即曲繁多稱謁師珪觀其貌情精爽不倫謂之曰善來仁者胡為而至曰師寧識我耶珪曰吾觀佛與衆生等吾一目之豈分別識也對曰我此嶽神也吾能利害生死於人師安得一目我哉珪曰汝能生死於人吾本不生汝焉能死吾視身與空等視吾與汝等汝能壞空與汝乎苟能壞空及汝吾則不生不滅也汝尚不能如是又焉能生死吾耶嶽神稽首再拜曰我亦聰明正直於餘神豈能知師有廣大之智辨乎願受正戒令我度世助其威福珪曰神既乞戒即既戒矣所以者何戒外無戒又何戒哉神曰此理也我聞茫昧止求師戒我身為門弟子珪辭不獲即為張座焚香秉爐正几曰付汝五戒汝能奉持即嚮曰能不能即曰否神曰洗耳傾听虛心納教珪曰汝能不嫌乎神曰亦娶也曰非謂此也謂無羅欲也神曰能曰汝能不盜乎神曰何乏我也焉有盜取哉曰非謂此也謂饗而福淫三教搜神大全 卷六 十四

不供而禍善也神曰能曰汝能不殺乎神曰政柄在躬焉能不殺曰非謂此也謂有盜誤混疑也神曰能曰能不忘乎曰吾本正直焉能有妄曰非此謂也謂先後不合天心也神曰能曰能不遭酒敗乎神曰力能珪曰如上帝戒也又言以有心奉持而無心拘執以有心為物而無心想身能如是則先天地生不為精後天地死不為老終日變化而不為動寂默而不為休悟此則雖娶非妻也雖享非取也雖柄非權也雖作非故也雖醉非昏也若能無心於萬物則羅欲不為淫福淫禍善不為盜盜誤混疑不為殺先後違天不為妄昏荒顛倒不為醉是謂無心也無心則無戒無戒則無心無佛無衆生無汝及無我無我無汝孰能戒哉神曰我神通亞佛珪曰女神通十句五能五不能佛則七能三能神悚然避席墮跪頗恭曰可得聞乎曰汝能候上帝東天行而西七曜乎曰不能又曰汝能奪地祇融五嶽而結四海乎曰不能珪曰是為吾不能也又曰佛能空一切相威萬法智而不能即滅定業能知群有性窮億劫事而不能化道無緣佛能度無量有情而不能盡衆生如是為三不能也定業亦不牢久無緣亦



謂一期衆生界本無增減亘無一人能主有法無主是謂無法無法無主是謂無心如我解佛亦無神通也但能以無心通達一切法耳作用冥見有情前也若有心有作用必不普周焉嶽神曰我識淺昧未聞空義願師授我戒我當奉行更何業因可拘塵界我願報慈德珪曰吾觀身無物觀無常法窟塊然更有何欲神曰師必命我為世間事展我少小神功使已發心初發心未發心不信心必信心五等人目我神蹤知有佛有神有能有不能有自然有非自然者珪曰無為是無為是神曰佛亦使神護法師寧壞叛佛耶隨意垂誨珪不得已而言曰東嶽寺之障也莽然無樹北岫有之而背非屏擁汝能移此樹於東嶽乎神曰已聞命矣又曰我必昏夜風雨擺搖震運頭師無駭即作禮辭去珪門送而觀之見儀衛如王者之行仗其夕果有暴風吼雷奔雲震電隆棟壯宇爰礪將圯定僧膽動宿鳥聲狂互相敲磕踞蓋物不安所乃謂衆僧曰無怖無怖神與我契矣詰旦和霽則北巖松枯盡移東嶽森然行植焉珪謂其徒曰吾歿後無令外知若為口實人將妖我也以開元四年卒 三教搜神大全 卷六 十五

通玄禪師

通玄姓李氏太原東北人也舉動之間不可量度身長七尺餘形貌紫色眉長過目鬚鬚如畫髮紺而螺慈放曠自得靡所拘絆而該博古今洞精儒釋開元七年春自定襄而至孟縣之高家造論演暢華嚴不出戶庭幾于三載每日食麥千顆柏葉餅一枚餘無所須嘗其論并經往韓氏莊中路遇一虎玄撫其背以所負經論搭載去土龕中虎弭耳前行又造論之時室無脂燭每夜秉翰於口兩角出白色光長尺餘炳然二女子韶顏都雅每日饋食一盂于龕前玄食已徹器而去凡經五載至於紙墨供送無虧論成泯然不現所造論四十卷總括八十卷經之文義決疑論四卷一日鄉人聚飲之次玄來謂之曰汝等好住吾今去矣鄉人驚怪謂為他適乃曰吾終矣皆悲泣戀慕送至土龕曰去住常也鄉人下坡迴顧其處雲霧昏暗至子時儼然坐亡龕中白色光從頂出上徹太虛即開元十八年三月二十八日也報齡九十六達旦數人登山見其龕室內蛇虺填滿莫得而前相與故告蛇虺交散少長追感結輿迎于太山之北窺石為墳而葬之

三教搜神大全

六卷

一行禪師

三教搜神大全

六卷

十七



釋一行俗姓張氏鉅鹿人也本名遂早歲不群聰黠明利讀書不再已暗誦笑師事普寂禪師時有盧鴻者持其文至寺一行一覽之即無遺忘鴻驚謂非君所能教也當縱其遊學一行因窮大衍自此求訪不下數千里嘗至天台國清寺見門前有流水一行立於門屏間聞院中僧於庭布筵其聲較較既而謂其徒曰今日當有弟子求吾弄法已合到門豈無人導達耶即除一筭又謂曰門前水合却西流弟子當至一行承言而入稽首請法盡授其術而門水復東流矣自此聲振遐邇玄宗聞之召令入內謂曰卿何能對曰善記覽玄宗因召掖庭取宮人籍以示之周覽既畢覆其本記念已熟如素所習讀數幅之後玄宗不覺降榻為之作禮呼為聖人嗟嘆良久尋乃詔對無恒占其灾福若指于掌言多補益玄宗開元九年太史上言麟德曆寢疎日食屢不效帝詔可禪師更造新曆奉詔推數立術以應之撰開元太衍曆一行於癸亥十月制黃道儀成帝自為之

銘詔安武成殿以示百官其儀準員天之象具列宿赤道度數注水注水
激輪令其自轉一晝夜而天運一周外絡二輪綴以日月令得運行每天
東行一周日西行一度月行十三度以木櫃為平地令儀半在地下晦明
朔望有準立木二於地平其一前置鼓以候刻至一刻則自擊之其一前
置鐘以候辰至一辰則自撞之皆略施輪軸交錯相持稱為神功和璞
謂太史令尹惜曰一行神師其聖人乎漢之洛下閎造大衍曆記云後八
百歲當差一日則有聖人以糾正之今年期差滿而一行師造大衍曆以
糾數家之謬則洛下閎之言不誣矣惜深以為然一行又嘗詣道士尹崇
借楊雄太玄經數日復詣崇還其書崇曰此書意旨深遠吾尋之積年尚
不能曉吾子試更研求何處見還也一行曰寃其義因出所撰大衍玄圖
及義訣一卷以示崇崇大嗟伏謂人曰此後生類子也初一行幼時家貧
隣有王姥前後濟之約數十萬一行嘗思報之至開元中一行承玄宗敕
遇言無不可未幾會王姥兒犯殺人獄未具姥詣一行求救一行曰姥要
金帛當十倍贖也君上執法難以情求如何王姥戰手大罵曰何用識此
三教搜神大全 卷六 十八

僧一行從而謝之終不顧一行心計運天寺中工役數百乃命空其室內
徙一大甕於中密選常住二人授以布囊謂曰某方其角有麻園汝往
替伺徙午至昏當有物入來其數七者可不掩之失一則杖汝如言而往
至酉後果有群豕至悉獲而歸一行大喜令實甕中覆以木蓋封以六一
泥朱題梵字數十其徒莫測詰朝中使扣門急召至便殿玄宗迎問曰太
史奏昨夜北斗不見是何祥也師有以讓之乎一行曰後魏時失焚惑着
今帝星不見古所無者天將大警於陛下也夫匹夫匹婦不得其時則隕
霜亦旱盛德所感乃能退舍感之切者其在聖枯出繫乎釋門以順心壞
一切善惡心降一切魔如臣曲見莫若大赦天下玄宗從之命中使持節
大赦天下於是王姥兒亦在赦中然終不知一行之力也一行亦不自以
為功而言之至其夕太史奏北斗一星見凡七日而復帝嘗問國祚幾何
有留難否行曰鑒與有萬里之行社稷終吉帝驚問其故不答退以小金
合進之曰至萬里即開帝一日發合視之蓋當歸少許及祿山亂駕幸成
都至萬里橋忽悟未幾果歸昭宗初封吉王唐至昭宗而滅故終吉至開

元末裴寬為河南尹寬深信佛法師事普寂禪師日久造焉或一日寬指
寂寂云方有少事未暇款語且請逕迴休息寬乃屏賓從止於空室見寂
潔淨正堂焚香端坐坐未久忽聞扣門連聲云天師一行和尚至矣一行
入詣寂作禮禮訖附耳密語其貌絕恭寂但頷云無不可者語訖復禮禮
訖又語如是者三寂唯云是是無不可者一行語訖階入南堂自闔其
戶寂乃徐命弟子云速聲鐘一行和尚滅度矣左右疾走視之一如其言
滅度後寬服纓經墊之日徒放出城送之春秋四十五帝哭之哀甚輟朝
三日傳龍三七日行容貌如生帝親製碑書于石出內庫錢五十萬建塔
銅人原諡曰大慧禪師



三教搜神大全

卷六

十八

無畏禪師

釋無畏三藏本天竺人護國出家道德名稱為天竺之冠所至講法必有異相初自天竺至所司引謁於玄宗玄宗見而敬信焉因謂三藏曰師不遠而來故倦矣欲於何方休息耶三藏進曰臣在天竺時嘗聞大唐西明寺宣律師持律第一願往依止焉玄宗可之宣律禁戒堅苦焚修精潔三藏飲酒食肉言行麤易往往乘醉喧競穢汚茵席宣律頗不能甘之忽中夜宣律捫虱將投于地三藏半醉連聲呼曰律師律師撲死佛子耶宣律方知其為異人也整衣作禮而師事焉在洛時有巨蛇高丈餘長且百尺其狀甚異蟠遶出於山下洛民咸見之畏語曰此蛇欲決水瀦洛城即說佛書義其蛇至冬則駕風露來若傾聽狀畏貴之曰爾蛇也當居深山中用安其所何為將欲肆毒於世耶速去無患生人其蛇聞之若有慙色遂俯于地頃而死焉其後安祿山據洛陽盡毀宗廟果符其言開元十年七月旱帝遣使詔無畏請雨畏持鉢水以小刀攪之誦呪數番即有物如三枚雙神大念

崇明釋藏城字號永
崇御製神僧傳補

則龍從鉢中矯首水面畏咒遣之白氣自鉢騰涌語詔使曰速歸雨即至矣詔使馳出頃刻風雷震電詔使趨入奏御衣襟已透濕霖雨彌日而息又嘗淫雨逾時詔畏止之畏捏泥媪五軀向之作咒詈罵者即刻而齋嘗過龍河以一索駝負經沒水畏懼經失遽隨之入水於是龍王邀之入宮講法為留三酒而出所載梵夾不濕一字其神異多類此德輝按原本缺失此半葉

三枚雙神大念

六卷

三

三枚雙神大念

六卷

三

金剛智禪師

釋跋日羅善提華言金剛智南印度摩賴耶國人也生數歲日誦萬言目覽心傳終身不忘年十六開悟佛理乃削染出家從師歷遊諸國至開元中達于廣府後隨駕洛陽其年自正月不雨迨于五月嶽瀆靈祠禱之無應乃詔智結壇祈請於是用不空鉤依善薩法在所住處起壇深四肘躬繪七俱胝善薩像立期以開光明日定隨兩馬帝使一行禪師謹密候之至第七日炎氣熾熾天無浮翳午後方開眉眼即時西北風生飛瓦拔樹崩雲世雨遠近驚駭而結壇之地穿穴其屋洪注道場質明京師士庶皆云智獲一龍穿屋飛去求觀其處曰千萬人初帝之第二十五公主甚鍾其愛久疾不救移卧於咸宜外館閉目不語已經旬朔有敕令智授之戒法智使牛仙童寫敕一紙焚於琰摩王食頃琰王令公主亡保母劉氏護送公主竟歸於是公主起坐開目言語如常帝聞之不俟駕馳往外館公主曰冥數難移今王遣回略覲聖顏而已可半日間然後長逝自爾




帝方加歸仰焉武貴妃寵異六宮存施寶玩智勸貴妃急造金剛壽命善
薩又勸河東郡王於毘盧遮那塔中繪像謂門人曰此二人者壽命非久
矣經數月皆如其言至二十年壬申八月命門人曰白月圓時吾當去矣
遂禮毘盧遮那佛旋遶七市寂然而化

三教搜神大全

六卷

二十一



鑑源禪師

釋鑑源不知何許人素行甄明後講華嚴經號為勝集日供千人粥食其
倉簞中米粟總數百斛取之不竭沿夏涉秋未嘗告匱實感如此後多徵
應有慧觀禪師見三百餘僧持蓮燈凌空而去歷歷如流星焉開元中崔
冀公寧疑其妖妄躬自入山宿預禁山四面各三十里火光至第三夜
有百餘支燈現兼紅光可千餘尺冀公歟然作禮歎未曾有時松間出金
色手長七尺許有二菩薩黃白金色閃爍然復庭前柏樹上晝現一燈其
明如日橫布玻璃山可三里所寶珠一顆圓一大焰燭可愛西嶺山門懸
大虹橋橋上梵僧老叟童子間出有二炬爛然空中如相迎送交過之狀
下有四菩薩兩兩偶立放通身光可高六七十尺復見大松林後忽有寺
額篆書三學字又燈下垂繡帶二條東林之間夜出金山月當子午金銀
二色燈列於知鉉師墳側常南康羣每三月就寺設三百菩薩大齋菩薩
現相焉

三教搜神大全

六卷

二十三



賴殘禪師

賴殘者唐天寶初衡嶽寺執役僧也退食即收所餘而食性懶而食殘故號賴殘也書專一寺之工夜止群牛之下曾無倦色已二十年矣時鄴侯李泌寺中讀書察賴殘所為曰非凡物也聽其中宵梵唱響徹山林李公情頗知音能辨休戚謂賴殘經音先懷愧而後喜悅必謫墮之人時將去矣候中夜李公潛往謁焉聖席門通名而拜賴殘大詬仰空而唾曰是將賊我李公愈加謹敬唯拜而已賴殘正撥牛糞火出芋啗之良久乃曰可以席地取所啗芋之半以授焉李公捧承盡食而謝謂李公曰慎勿多言領取十年宰相公又拜而退居一月刺史察嶽脩道甚嚴忽中夜風雷而一峰頽下其綠山磴道為大石所欄乃以十牛磨絳以挽之又以數百人鼓噪以推之物力竭而石愈固更無他途可以脩事賴殘曰不假人力我試去之衆皆大笑以為狂人賴殘曰何必見嗤試可乃已寺僧笑而許之遂履石而動忽轉盤而下聲若震雷山路既開寺僧皆羅拜一郡皆呼至三教搜神大全

六卷

二十七

聖刺史奉之如神賴殘悄然乃懷去意寺外虎豹忽爾成群日有殺傷無由禁止賴殘授我筆為爾盡驅除之衆皆曰大石猶可推虎豹當易制遂與之荆挺皆躡而觀之終出門見一虎啣之而去賴殘既去虎亦絕蹤後李公果十年為相也

西域僧禪師


釋天竺亡名僧者未詳何印度人也其貌惡陋纏乾陀色縵條衣穿革屣曳鐵錫化行于京輦當常皇之生也繞三日其家召僧齋此僧不召自來常氏家僮咸怒之以繫席坐于庭中既食常氏命乳母出嬰兒請群僧視其壽胡僧忽自升階謂嬰兒曰別久無恙乎嬰兒若有喜色衆皆異之常氏先君曰此子生纔三日吾師何故言別久耶胡僧曰此非檀越之所知也常氏固問之胡僧曰此子乃諸葛武侯之後身耳武侯當東漢之季為蜀丞相蜀人受其賜且父今降於世將為蜀門帥宜蜀人之福吾往歲在劍門與此子友善今聞降生常氏吾故不遠而來常氏異其言因以武侯字之後常皇自以金吾節制劍南軍累遷太尉兼中書令在蜀間十八年果契胡僧之語也

三教搜神大全

六卷

二十五





本淨禪師

釋本淨未詳何許人道氣高抗聞閩嶺多禪宗識歷住叅之又聞長溪霍童山多神仙洞府然山中不容凡俗淨乃入山結茅為室室側有毒龍石穴其龍天矯而出變現無恒遂呼召之而馴擾焉又諸猛虎橫路為害樵者不敢深入淨撫其頭誠約丁寧虎弭耳而去嘗清宵有九人冠幘袴褶稱寄宿盡納諸菴內明旦告辭偕化為鶴鳴唳空中而去淨後固知其終



地藏王菩薩

職掌幽冥教主十地閻君率朝賀成禮相傳王舍城傳羅卜法名目健連嘗師事如來救母於餓鬼群叢作孟蘭勝會歿而為地藏王以七月三十日為所生之辰士人禮拜或曰今青陽之九華山地藏是也按傳新羅國僧唐時渡海居九華山年九十九忽召徒眾告別但聞山鳴石噴俄跏趺坐於函中泊三稔開將入塔顏貌如生昇之動骨節若金鑽焉故曰金地藏以是知傳者之誤

山廟



高岳伏僧禪師

三教搜神大全

七卷

三

高岳破竈墮和尚隱居高山山有廟甚靈惟安一竈祭無虛日師入廟以杖擊竈云此泥瓦合成聖從何來靈從何起又擊三下竈乃傾破墮落頂生特來禮謝再拜而去少頃徒眾問師竈神得何經旨便得生天師曰我只向伊道是泥瓦合成別無道理為伊眾無語師良久云會麼眾云不會師曰本有之性為什麼不會眾僧乃禮拜師曰破也墮也於是其眾大悟玄旨

知玄禪師

三教搜神大全

七卷

四



悟達國師知玄與一僧邂逅京師時僧患迦摩羅疾人莫知其異也皆厭惡之知玄視候無倦色後別僧謂知玄曰子後有難可往西蜀彭州茶隴山相尋有二松為誌後玄居安國寺懿宗親臨法席賜沉香為座恩渥甚厚忽膝生人面瘡眉目口齒俱備每以飲食餒之則開口吞啖與人無異求醫莫效因憶舊言乃入山相尋見二松於烟雲間信所約不誣即趨其處佛寺煥燾僧立于山陰顧接甚歡天晚止宿知玄以所苦告之曰無傷也山有泉且濯之即愈黎明童子引至泉所方掬水間瘡忽人語曰未可洗公曾讀西漢書不曰曾讀既曾讀之寧不知袁盎殺晁錯乎公即袁盎吾晁錯也錯腰斬東市其冤何如哉累世求報於公而公十世為僧戒律精嚴報不得其便今汝受賜過奢各利心起故能害之蒙迦諾迦尊者洗我以三昧法水自此不復為冤矣時知玄竟不住體急掬水洗之其痛徹髓絕而復蘇其瘡亦旋愈回顧寺宇莽不復見因卓菴其處遂成大寺知

玄感其異思積世之冤非遇聖賢何由得釋因述懺法三卷蓋取三昧水洗冤業之義名曰水懺

青衣神

青衣神即蠶叢氏也按傳蠶叢氏初為蜀侯後稱蜀王嘗服青衣巡行郊野教民蠶事鄉人感其德因為立祠祀之祠廟遍於西土罔不靈驗俗槩呼之曰青衣神青神縣亦以此得名云宋謝枋得蠶有詩云

詩曰

養口資身賴以桑

終成王道澤流長

吐絲不羨蜘蛛巧

飼葉頻催織女忙

三起三眠時化運

一生一死命天常

待着獻爾盆纏后

先與君王作袞裳





九鯉湖仙

九鯉仙乃是福建興化府仙遊縣何通判妻林氏生有九子皆瞽目止有大公子一目不瞽其父一日見之大怒欲害之其母知竟速命人引九子逃至仙遊縣東北山中修煉名曰九仙山又居湖側煉丹丹成各乘赤鯉而去故湖名九鯉廟在湖上最靈驗每大比歲各郡中士子祈夢于此信若著祭

本朝黃孟良感其事賦詩一律以紀之云

詩曰


人已登仙鯉化龍
石遺丹竈潺湲裏
青鳥去來猶夜月
此行不為却朝夢

伊誰湖上構仙宮
雲鎖瓊樓縹緲中
碧桃開落自春風
擬向邛橋遇石公



張天師

天師者漢張道陵也子房八世孫光武建武間生於吳天目山李長生法術隱北邙山章帝和帝累召不起久之徧遊名山東抵吳安雲錦溪升高而望曰是有異境綠衍流而之云錦洞有石焉煉丹其中三年青龍白虎旋遶於上丹成餌之時年六十容貌益少又得秘書通神變化驅除妖鬼後於蜀之云臺峯升天所遺經錄符章并印刻以授子孫其四代日盛復居此山歷代重之今其子孫世襲真人居於江西廣信府貴溪縣之龍虎山



三教搜神大全

卷七

王侍宸

侍宸姓王名文卿宋時臨川人侍宸其官也生有骨相有道者嚮之長而遊四方履歷裁遍宇宙嘗遇異人授以道法能召風雷宋徽宗號為金門羽客擬神殿侍宸冠當時賜賚一無所受時揚州大旱詔求雨侍宸為使劍嚙水曰借黃河水三尺后數日揚州奏得雨水皆黃濁屢見顯異大元時始建祠今祠在建昌之府城內是也靈應益著執牲帛而乞靈者絡繹於道也



三教搜神大全

卷七

廬山匡阜先生

先生者姓匡名續字君平南楚人号匡阜先生生而神靈兒時便有物外志周武王時師老聃得長生之道結茅南障山虎溪之上隱焉室中無所有為置一榻簡書數篇而已武王屢徵不起遇少年傳以仙訣得道漢武帝南巡狩登祀天柱嘗望秩焉繼而射蛟潯陽江中復封先生為南極大明公道高尤虎伏德重鬼神欽先生能伏五瘟使者為部將更命立祠於虎溪曰隱郡守桓伊迂先生祠於山口能押瘟部之神凡水旱疠疫禱之皆應焉



黃仙師

仙師姓黃行七福建汀州上杭人也業巫術能鞭撻鬼魔驅逐妖怪師廟在上杭縣治之西南舊在鍾寮場石峽中後遷於此相傳昔有山精石妖為害巫者黃七公以符法治之因隱身入於其石不出石壁隱映有人影望之儼若仙師像昔人有詩云

詩曰

非是神刑非鬼劃
仙師一入山頭石

解生烟霧解生雲
草木蒙茸度幾春



北極驅邪院

左判官者唐顏真卿德宗命真卿問罪李希烈親族餞于長樂坡公醉跳躑前楹曰吾早遇道士云陶八入授以刀圭碧霞丹至今不衰又曰七十有厄即吉他日待我于羅浮山得非今日之厄乎公至大梁希烈命縊殺之瘞于城南希烈敗家人啓柩見貌狀如生徧身金色爪甲出手背鬚山長數尺歸壟偃師北山后有商人至羅浮山有二道士奕棋樹下一曰何人至此答曰小客洛陽人道士笑曰願寄一書達吾家遣童子取紙筆作書客還至北山顏家子孫得書驚曰先太師親筆發塚開棺已空矣后白王瘡云顏真卿為北極驅邪左判官

那叱太子



那叱本是玉皇駕下大羅仙身長六丈首帶金輪三頭九眼八臂口吐青雲足踏盤石手持法律大敕一聲雲雨從乾坤燥動因世間多魔王帝命降凡以故托胎于托塔天王李靖母素知夫人生下長子軍叱吹木叱師三胎那叱生五日化身浴於東海脚踏水晶殿翻身直上寶塔宮龍王以踏殿故怒而索戰師時七日即能戰殺九龍老龍無奈何而哀帝帥知之截戰于天門之下而龍死焉不意時上帝壇手搭如來弓箭射死石記娘之子而石記興兵帥取父壇降魔杵西戰而戮之父以石記為諸魔之領袖怒其殺之以意諸魔之兵也帥遂割肉刻骨還父而抱真靈求全于世尊之側世尊亦以其能降魔故遂折荷葉為骨藕為肉系為脛葉為衣而生之授以法輪密旨親受木長子三字遂能大能小透河入海移星轉斗嚇一聲天頽地塌呵一氣金光罩世歸一响龍順虎從鎗一撥乾旋坤轉秀髮垂起山崩海裂故諸魔若牛魔王獅子魔王大象魔王馬頭



魔王吞世界魔王鬼子母魔王九頭魔王多利魔王番天魔王五百夜叉七十二火鴉畫為野降以至於擊赤猴降孽龍蓋魔有蓋而帥之靈通廣大變化無窮故靈山會上以為通天太師威靈顯赫大將軍王帝即封為三十六員第一總領使天帥之領袖永鎮天門也

五雷神

雷神廟在廣東雷州府之西南八里昔鄉人嘗將麻布造雷鼓雷車置廟中有以魚鼈肉同食者立為霆震舊記云陳天建初州民陳氏者因獵獲一卵圖及尺餘携歸家忽一日霹靂而開生一子有文在手曰雷州后養成名文玉鄉俗呼為雷種后為本州刺史歿而有靈鄉人廟祀之陰雨則有電光吼聲自廟而出宋元累封王爵廟號顯震德祐中更名威化國史補雷州春夏多雷秋日則伏地中其狀如鼈人取而食之又雅州瓦屋山有雷洞投以瓦石應手雷震也



電母神

相傳東王公與玉女投壺曼而脫誤不接者天為之笑開口流光今之閃電是也

風伯神

飛廉是也應劭曰飛廉神禽能致風氣身似鹿頭似爵有角尾似蛇大如豹風伯之神也

雨師神

商羊是也商羊神鳥一足能大能小吸則溟渤可枯雨師之神也



海神

即海若是也相傳秦始皇造石橋欲渡海觀日海神為驅石始皇求神相見神曰莫圖我形始皇從之及見左右巧者描畫神形神怒曰帝負約可速去今廟在文登縣

潮神

即子胥人見其素車白馬乘潮而出

水神

謂禹強河伯

波神

謂川后



洋子江三水府

五代史楊氏據江封馬當為上水府廟在山之陽


承石為

中水府廟在采石山下封王宋加顯靈順聖佐平江王

金山為

下水府廟在金山寺內三廟

本朝俱稱水府之神水面江心一呼即應舟人過者必具牲帛以禱今有司歲時致祭





蕭公爺

公姓蕭諱伯軒龍眉蛟髮美髯面如童少年為人剛正自持言笑不苟善也惡也里閭咸為之盾平殄於宋咸淳間遂為神附童子先事言禍福中若發机鄉民相率為立廟江西臨江府新淦縣之太洋洲保舡救民有禱必應福澤十方

大元時以其子蕭祥叔死而有靈合祀于廟

皇明洪武初嘗遣官諭祭永樂十七年其孫天任卒屢著靈異亦祀于此詔封為水府靈通廣濟顯應英佑侯大著威靈于九江八河五湖四海之上



晏公爺

公姓晏名成仔江西臨江府清江鎮人也濃眉虬髯面如黑漆平生疾惡如探湯人少有不善必曰晏公得無知乎其為人敬憚如此大元初以人材應選入官為文錦局堂長因病歸登舟即奄然而逝從人歛具一如礼未抵家里人先見其揚騶導於曠野之間衣冠如故咸重稱之月餘以死至且駭且愕語見之日則即其死之日也啓棺視之一無所有蓋尸解云父老知其為神立廟祀之有靈顯于江河湖海凡遇風波洶濤商賈叩投即見水途安妥舟航穩載繩纜堅牢風恬浪靜所謀順遂也皇明洪武初詔封顯應平浪侯


開路神君

開路神君乃是周禮之方相氏是也相傳軒轅皇帝周遊九垓元妃螺祖死於道令妃妃如監護因買相以防夜蓋其始也俗名險道神一名阡陌將軍一名開路神君其神身長丈餘頭廣三尺鬚長三尺五寸鬚赤面藍頭戴束髮金冠身穿紅戰袍脚穿皂皮靴左手執王印右手執方天畫戟出柩以先行之能押諸凶煞惡鬼藏形行柩之吉神也雷傳之於後世矣

法術呼律令

令平

雷部有神名曰健兒善走與雷相疾速故符呪云急急如律令勅雷傳後世道釋巫流召帥將風雷城隍社可畫符出筆皆以用之



門神二將軍

門神乃是唐朝秦叔保胡敬德二將軍也按傳唐太宗不豫寢門外拋磚弄瓦鬼魅號呼三十六宮七十二院夜無寧靜太宗懼之以告群臣秦叔保出班奏曰臣平生殺人如割瓜積屍如聚蟻何懼魍魎乎願同胡敬德戎裝立門以伺太宗可其奏夜果無警太宗嘉之謂二人守夜無眠太宗命画工圖二人之形像全裝手執王斧腰帶鞭鍊弓箭怒髮一如平時懸于宮掖之左右門和崇以息後世沿襲遂永為門神西遊記小詞有本是英雄豪傑舊勳臣只落得千年稱戶尉萬古作門神之句傳於後世也





天王

按釋氏源流有毘留勒義天王有毘留博義天王有提頭賴吒天王有毘沙門天王昔唐太宗從高祖起義兵有神降於前自称毘沙門天王頭同乃定乱其手將有猪首象鼻者故所向成功及即位詔天下公府皆祀之天聖初詔諸郡置祠仍建佛寺俱以天王為額此天王之所由普建也

藏板三教源流搜神大全卷終

三教源流搜神大全刻成適聞伯太守以薦舉入都道過長沙余以初印樣本相贈太守為勘正其譌誤多處余一一從而校改太守謂元板畫像搜神廣記前後集昔在京師廠肆所見者即毛氏汲古閣舊藏卷首有毛氏印記諸神圖像釋氏無此之多此本所增大都取之梁宋兩高僧傳又謂余序文不足為典要之語於義未安太守喜言佛理又通內典意謂諸僧事蹟來歷分明不可一概未察耳余按此書明人以元板畫像搜神廣記增益縮刻即可以書中皇明年號證之而諸僧記載悉本永樂御製神僧傳一書文句都無所改竄余謂其不足為典要者以其出於雜家說部違於聖人不語之訓而已嘗考諸神始末有流傳極古而終屬無稽者如東華帝君西靈王母即東王公西王母見集仙錄宋李昉太平廣記五十卷穆天子傳玄天上帝即玄武神見唐段成式酉陽雜俎梓潼帝君即張惡子諸子書見崔鴻十六國春秋後秦錄唐時有廟見李商隱詩集集有題張孫惡子廟詩樵文集集有祭梓潼神君文三元大帝即三官見梁陶宏景真誥唐周昉畫三官像

既待序

見宋徽宗宣和畫譜東嶽主人壽命見後漢書烏桓傳方術許曼傳泰山神有子見魏書段承根傳有女卽嫁為東海婦者見晉張華博物志宋封其子為炳靈公立廟建康府城北見宋張敦頤六朝事迹卷二廟佑聖真君茅盈卽大茅君見尚書帝驗期宋李昉太平御覽六朝事迹卷十神姓名見東方朔神異經五聖卽五通見梁陶宏景雲笈七籤卷九日五通生唐柳宗元龍城錄卷五宋王鉉發源有廟宋大觀三年賜額宣和五年加封通曉通祐通澤通惠通濟侯乾道淳熙累封加八字見宋王象之輿地紀勝卷二十歲州仙釋注又引加封告命卷五江東之臨安有廟見宋潛說友咸淳臨安志卷三十許真君斬蛟見唐張鷟朝野僉載卷三十一引其二龍御舟事見許旌陽傳卷五地紀勝卷二十一五茅真君卽茅盈及其弟固弟衷見集仙錄卷三十一引茅君內傳卷四十一引崔府君為唐隆陽令宋淳化中民于京城北立廟見宋高承事物紀原卷五野雜記謂即東漢之崔子玉王象之輿地紀勝行在所顯應觀注宋樓磁州廟尤靈蹟世傳宋高宗乘廟鑰攻虜集賢殿觀諸記辨其為唐人

府君廟碑記吳客三真君姓唐葛周宗臨安有祠乾道九年曹善建見咸
濱臨安志祠山張大帝渤見四明圖經高同所作張王廟記及王之行狀
輿地紀勝二十四廣德軍仙釋引其封真君并祖父以下兄弟子孫子婦加封在宋寶祐
間見咸濱臨安志常州武烈帝陳果仁見唐天寶僧德宣撰司徒陳公捨
宅造寺碑全唐文九百十五六朝事蔣莊武帝子文見晉干寶搜神記
蠶女亦見搜神記杭州蔣相公兄弟廣福廟見宋吳自牧夢梁錄神荼鬱
壘見漢應劭風俗通王充論衡鍾馗見唐人題吳道子畫鍾馗記宋沈括筆談補
引五瘟使者即五瘟之神見宋陳靚歲時廣記司命竈神姓名子女見酉
陽雜俎福神楊成一作陽城為道州刺史有惠政見晏公類要輿地紀勝
州官紫姑神為李景妾何麗卿見顯異錄明陳耀文天中記四引五方之神見六韜
及太公金匱太平廣記二百九十一太觀音菩薩為女身見北齊書徐之
才傳世傳其父為妙莊王生女三妙清妙音妙善菩薩即妙善見元趙魏
公管夫人所書觀世音菩薩傳略元午大德天妃宋臨安有廟事載丁伯桂
廟記見咸濱臨安志七十斬鬼張真君為唐張巡巡殉安祿山之難因本

我之吾上

但存一死為厲鬼以糾賊之計古臣間祀以逐厲見元諫庵芳辨惡縛九鯢
湖山為何氏九兄弟見輿地紀勝一軍仙釋引北極驅邪院左判官為
唐顏真卿本殉李希烈之難而世傳其尸解仙去見唐人明皇十七事續
萬花谷前集三十引五代秦再思紀異輿地紀勝九十一惠州仙釋引黃仙師治山精石妖見輿地
紀勝汀州古述江洋子江三水府偽唐保大中封宋大中祥符加封見元
馬端臨文獻通考淫祠雜祠開路神君為周禮之方相氏見宋真宗御製
軒轅本紀以上所舉或史傳不知其人或有其人而無其事大都供文人
之藻翰資揮塵之談鋒前人附會而言之後人因緣而述之虞初九百列
小說一家斯固并九流而不廢者也至神僧來自異域羽客多出宣和事
隔中原人多詐偽過而存之存而不論是則余刻是書之旨也歟宣統
元年己酉歲立夏後五日德輝撰